

四庫全書薈要

• 乾隆御覽本

集部

欽定四庫全書薈要

集部

李太白集分類補註卷三

四

詳校官助教臣常循



李太白集分類補註卷三

宋 楊齊賢 集註

元 蕭士贇 補註

古樂府

遠別離

士贇曰樂府遠別離者  
別離十九曲之一也

遠別離古有皇英之二女乃在洞庭之南瀟湘之浦海  
水直下萬里深誰人不言此離苦

士贇曰博物志舜南  
巡不返葬於蒼梧之

野堯二女娥皇女英追之不及至洞庭之山淚下染竹  
即斑妃死為湘水神廟在潭州湘陰縣北八十里瀟湘  
之尾洞庭之口此意謂離  
恨之苦與海水俱深也  
日慘慘兮雲冥冥猩猩啼烟

兮鬼嘯雨我縱言之將何補

齊賢曰慘慘無光冥冥暗貌猩猩生交趾封溪似猿

人面能言語聲如小兒啼啼呼也

皇穹竊恐不照余之忠誠雲憑憑兮

欲吼怒

齊賢曰皇穹天也憑盛也

堯舜當之亦禪禹君失臣兮龍為

魚權歸臣兮鼠變虎或言堯幽囚舜野死

士贊曰故堯城在濮州鄆

城縣東北十五里竹書云昔堯德衰為舜所囚也又有  
偃朱故城在縣西北十五里竹書云舜囚堯後偃塞丹  
朱使不與父相見也舜典注曰舜即位五十  
年升道南方巡狩死於蒼梧之野而葬焉  
九疑聯綿

皆相似重瞳孤墳竟何是

齊賢曰九疑山半在蒼梧半在零陵其下九峯形勢相似

故曰九疑山士贊曰後漢地理志零陵郡營道南九疑山舜之所葬淮南子曰堯眉八彩舜重瞳子

帝子

泣兮綠雲閒隨風波兮去無還慟哭兮遠望見蒼梧之

深山

士贊曰帝子即娥皇女英也

蒼梧山崩湘水絕竹上之淚乃可

滅

齊賢曰湘水出靜江府興安縣陽海山按晉志興安隸蒼梧郡在唐為桂州理定縣至德二載更名

湘水自陽海下全州下蒸州與瀟水合又下衡州與蒸水合趨潭州以入于洞庭士贊曰此詩大意謂無借人國柄借人國柄則失其權失其權則雖聖哲不能保其社稷妻子焉其禍有必至之勢也然則此詩之作其在於天寶之末乎太白此時熱識時病欲言則懼禍及已不得已而形之詩章聊以致其愛君憂國之志而已所

謂皇英之事特借之以引喻發興而曰日曰皇穹者所以此其君而雲則其臣也詩曰日慘慘兮雲冥冥者喻君昏於上而權臣障蔽於下也猩猩啼烟鬼嘯雨者極小人之形容而政亂之甚也我縱言之將何補者太白感歎之辭謂時事如此矣我縱言之誠恐君不以我為忠而適以取憎於權臣也夫如是則又將何補哉堯舜當之亦禪禹而下數句乃是太白所欲言之事謂權歸於臣其禍必至於此所引竹書事特起興耳末句曰蒼梧山崩湘水絕竹上之淚乃可滅者白意若曰事若至此是抱萬古之恨與山水而無窮也詩意切直著明流出胃臆非識時憂世之士懷愛君忠國之心者孰能與於此使時有採詩之官而君之一悟俗之一改則安史之亂可消揣還幽居之禍不作豈曰小補之哉

# 公無渡河

無士贊曰琴操九引有箜篌引亦曰公無渡河亦曰箜篌謠乃朝鮮津卒霍

里子高妻麗王所作子高晨起刺船見一白首  
狂夫披髮攜壺亂流而渡其妻隨呼止之不及  
遂溺死妻乃援筇篥而鼓之歌曰公無渡河公  
竟渡河墮河而死當奈公何聲音悽愴曲終亦  
投河而死子高還以其聲語麗王麗王傷之乃  
引筇篥寫其聲聞者莫不墮淚太白此詩亦祖  
此意耳

# 黃河西來決崑崙咆哮萬里觸龍門

齊賢曰淮南子桑欽鄴元諸書皆曰

河出崑崙墟色白潛流地中受衆渾濁故色黃河自積  
石過燉煌酒泉張掖郡南東過龍西河關縣與洮水合  
又東過金城允吾縣北又東流經天水安定北地朔方  
郡東轉渠搜縣北南流過五原郡南東過雲中郡南過  
定襄西河郡東又南過上郡西然後  
至龍門自積石至龍門三千餘里  
波滔天堯咨嗟大

禹理百川兒啼不窺家殺湍湮洪水九州始蠶麻其害

乃去茫然風沙

士贇曰書禹曰洪水滔天浩浩懷山襄陵下民昏墊予乘四載隨山刊木暨益

奏庶鮮食予決九川距四海濬畎澮距川又娶于塗山辛壬癸甲啟呱呱而泣予弗子惟荒度土功注啟禹子也禹治水過門不入聞啟泣聲不暇顧卒以大治水土之功

被髮之叟狂而癡清晨

臨流欲奚為旁人不惜妻止之公無渡河苦渡之虎可

搏河難馮公果溺死沅海湄有長鯨白齒若雪山公乎

公乎掛罽於其間篋篋所悲竟不還

士贇曰此篇大意謂洪水滔天天下民

昏墊天之作孽不可追也地平天成上下相安之時乃無故馮河而死是則非所謂自作孽者歟亦可哀而不



足恤也已故詩曰旁人不惜妻止之也是亦諷  
止當時不靖之人自投憲綱者借此為喻云耳

### 蜀道難

士贇曰按王僧虔技錄相和歌瑟調三十八曲內有蜀道難因知亦古樂府名

也

噫吁戲危乎高哉蜀道之難難於上青天

齊賢曰廣記太白嘗為蜀

道難難於上青天以刺嚴武後陸暢復為蜀道  
易易於履平地以佞韋臯臯大喜賜羅八百匹  
蠶叢及

魚鳧開國何茫然爾來四萬八千歲不與秦塞通人烟

齊賢曰成都記蠶叢之後有柏灌柏灌之後有魚鳧皆  
蠶叢之子魚鳧治導江縣嘗獵湔山得道乘虎而去杜  
宇遂繼魚鳧秦惠王討滅蜀王封公子通為蜀侯惠王  
二十七年使張儀築都城後置蜀郡以李冰為守冰穿

兩江為人開田百姓享其利蜀人始通中國

西當太白有鳥道可以橫絕峨

眉巔

齊賢曰南中志交趾郡治龍編自興古鳥道四百里士贊曰太白山在洋州真符縣四百五十里山

面隸鳳翔府山背屬真符峨眉縣南百里兩山相對如峨眉記云其山周匝千里有石龕百一十二大洞十二

小洞二十八南北有臺

地崩山摧壯士死然後天梯石棧相鉤連

士贊曰昔秦伐蜀不知道遂作五石牛以金置尾下言能糞金欲以遺蜀蜀王負力而貪乃令五丁開道引之秦因使張儀司馬錯引兵尋路滅蜀謂之石牛道郡國志褒城縣北口曰斜南口曰褒長四百七十里同為一谷兩谷高峻褒水所流昔張良送高皇帝至褒中說燒棧道即此地入斜谷路至鳳州界百五十里有棧道二千八百九十二間

上有六龍回日之高標下有衝

波逆折之回川

士贊曰圖經高標山一名高望乃嘉定府之主山巋然高峙萬象在前

黃

鶴之飛尚不得過猿猱欲度愁攀援

齊賢曰猿猱輕捷之獸士贊曰南中

志云朱提縣西南二里有棠狼山多毒草盛夏之月飛鳥過之不能得去黃鶴飛之至高者猿猱最便捷者尚

不得度則其為險絕可知

青泥何盤盤百步九折縈巖巒

齊賢曰九折坂在漢

屬巖道縣邛萊山此特言青泥之路縈紆百步而九折耳士贊曰與地廣記青泥嶺在沔州長舉縣西北五十

里懸崖萬仞上多雲雨行者多逢泥淖巖阻峻迴曲九折乃至山上

捫參歷井仰脅息以

手撫膺坐長嘆

齊賢曰河圖括地象曰岷山之地上有井絡謂岷山之精上為天之井星也士

贊曰捫摸也地理志禹貢梁州之域秦地鶉首之次天官東井與鬼之分野入參一度古蜀國也脅歛也屏氣

而問君西遊何時還畏途巉巖不可攀

齊賢曰自秦入蜀曰西遊

但見

悲鳥號古木雄飛雌從繞林間又聞子規啼夜月愁空

山蜀道之難難於上青天使人聽此凋朱顏

齊賢曰蜀記曰昔有

人姓杜名字王蜀號曰望帝字死俗說云字化為子規子規鳥名也蜀人聞子規鳴皆曰望帝也

連峯

去天不盈尺枯松倒掛倚絕壁飛湍瀑流爭喧唼砢崖

轉石萬壑雷其險也如此嗟爾遠道之人胡為乎來哉

齊賢曰砢水擊巖之聲砢普冰切士贊曰砢擊也

劍閣崢嶸而崔嵬一夫當關

萬夫莫開所守或匪親化為狼與豺

齊賢曰鄴道元水經註小劍去大劍

三千里連山絕險飛閣相通故謂之劍閣張孟陽劍閣銘曰劍閣壁立千仞窮地之險極路之峻一人荷戟百夫趙趙形勝之地匪親勿居士贊曰

朝避猛虎夕避長

崢嶸高貌爾雅石載土謂之崔嵬

蛇磨牙吮血殺人如麻錦城雖云樂不如早還家

士贊曰圖

經成都郡名錦城

蜀道之難難於上青天側身西望長咨嗟

賢齊

曰太平廣記云太白初自蜀至京師賀知章聞其名者訪之既奇其姿又請所為文白出蜀道難示之讀未竟稱歎數四號為謫仙人士贇曰按唐史哥舒翰兵敗潼關不守楊國忠首倡幸蜀之策當時臣庶皆非之馬嵬父老逸道諫曰宮闕陛下家居陵寢陛下墳墓今舍此欲何之又告太子曰若殿下與至尊皆入蜀中原百姓誰為主建寧王侯亦曰今殿下從至尊入蜀若賊兵燒絕棧道則中原之地拱手授賊既上至扶風士卒潛懷

去就律往流言不避比至成都從官及六軍至者千三百人而已太白此時益亦深知幸蜀之非計欲言則不在其位不言則愛君憂國之情不能自己故作是詩以達意也詩曰噫吁戲危乎高哉蜀道之難難於上青天者極路險難之形容言當時欲從君于難者至蜀之難如上天之難也猿叢及魚鳧開國何茫然爾來四萬八千歲不與秦塞通人烟者言叢爾之蜀僻在一隅自古聲教所不暨雖秦塞之近且不相通非可爲中國帝王之都也西當太白有鳥道可以橫絕峨眉巔者言五丁未開道之前惟長安正西太白山僅有鳥道可以橫絕峨眉之巔非人迹所可往來也地崩山摧壯士死然後天梯石棧相鈎連者言五丁既開道之後梯棧相連始與秦通今馬安處於蜀設若燒絕棧道則中原道斷矣上有六龍回日之高標下有衝波逆折之回川者言其險上際于天下極于地也黃鶴之飛尚不得過猿猱欲度愁攀援者言鳥獸猶憚其出入人可知也青泥何盤

盤百步九折縈巖壁者歷言蜀道險難之所也捫參歷井仰脅息以手撫膺坐長歎者蓋參與井為蜀分野捫參歷井言環蜀之境道里險難所在皆然令人脅斂屏氣而息惟有撫膺長歎而已也問君西遊何時還者君字非泛然而言猶杜子美北征詩恐君有遺失及君誠中興主之義所謂君者明皇也西遊者西幸也何時還者言既幸蜀矣何時可還中原而為生靈之主也畏途巉巖不可攀者此兩句乃太白興歎發問之辭言君既幸蜀矣何時可還而畏途如此忠臣義士雖欲從君於難道路險阻不可以猝然攀附也史曰上至成都從官六軍僅千三百人此其驗矣但見悲鳥號古木雄飛從雌繞林間又聞子規啼夜月愁空山者言朝夕之間空山叢林惟有禽鳥飛鳴則人迹之稀少從可知也復申之曰蜀道之難難於上青天者言其險之極一言之不足再言之也使人聽此凋朱顏者此乃太白自述聞涉險之時欲攀從而不可徒感傷於心而形諸顏色也連

峯去天不盈尺枯松倒掛倚絕壁飛湍瀑流爭喧礧  
崖轉石萬壑雷其險也如此者備言蜀道險難之狀也  
嗟爾遠道之人胡為乎來哉者嗟字乃發歎之音遠道  
之人以喻踈遠之臣言蜀道之險如此若白之踈遠者  
雖欲從君於難胡為而能來也劍閣崢嶸而崔嵬一夫  
當關萬夫莫開所守或匪親化為狼與豺者言贊帝幸  
蜀者不過謂有劍閣之險而已然太白私憂過計謂險  
則險矣守關者任非其人如豺狼之反噬是未可知此  
則尤可憂也朝避猛虎夕避長蛇磨牙吮血殺人如麻  
者言蜀與羌夷雜處如虎如蛇朝夕皆當避之或者變  
生肘腋是又可憂之大者也錦城雖云樂不如早還家  
言蜀都之樂不如早還中國之樂也復申之曰蜀道之  
難難於上青天側身西望長咨嗟者再言之不足故三  
言之反覆再三謂從君于難者至蜀之難真如上天之  
難矣夫如是則白也側身無所西望吾君惟有長嘆  
咨嗟以致吾倦戀之意云耳吁詩意亦微而顯者歟



梁甫吟

士贊曰按王僧虔技錄相和歌楚調五曲內有梁甫吟行意始於諸葛亮後唯

太白繼之耳

長嘯梁甫吟何時見陽春

齊賢曰兗州有梁甫城諸葛亮嘗登鄆州獨樂山作梁父

吟

君不見朝歌屠叟辭棘津八十西來釣渭濱寧羞白

髮照清水逢時吐氣思經綸廣張三千六百釣風期暗

與文王親大賢虎變愚不測當年頗似尋常人

齊賢曰朝歌在

南州八尺曰尋倍尋曰常士贊曰棘津在廣川縣北有棘津亭呂尚所困處也司馬遷云呂望東海上人也老而無遇以釣于周文王行年五十賣食棘津七十則屠牛朝歌行年八十釣于渭濱行年九十身為帝師三千

六百釣指太公八十釣於渭十年間事也十年三千六百日每日而釣故曰三千六百釣至九十乃遇文王是十年君不見高陽酒徒起草中長揖山東隆準公入門矣

不拜騁雄辯兩女輟洗來趨風東下齊城七十二指揮楚

漢如旋蓬狂客落魄尚如此何況壯士當羣雄

齊賢曰

高陽人里中人謂沛公曰臣里中有酈生年六十餘長八尺人皆謂之狂生生自謂非狂騎士言沛公至高陽傳舍使人召生生入謁沛公方倨牀使兩女子洗足生長揖不拜曰公誅秦不宜倨見長者於是沛公輟洗起攝衣延坐高祖隆準而龍顏漢書酈生馮軾下我欲攀齊七十餘城食其家貧落魄落魄失業無次也

龍見明主雷公砰訇震天鼓帝傍投壺多玉女三時大

笑開電光倏燦晦冥起風雨閭闔九門不可通以額扣

關閭者怒

齊賢曰天門凡有九重閭闔天門

白日不照吾精誠杞國無

事憂天傾

齊賢曰列子杞國人憂天崩墜身無所寄廢於飲食

猘猱磨牙競入肉

騶虞不折生草莖手接飛猱搏彫虎側足焦原未言苦

智者可卷愚者豪世人見我輕鴻毛力排南山三壯士

齊相殺之費二桃

士贇曰齊相晏嬰二桃殺三士

吳楚弄兵無劇孟亞

夫咤爾為徒勞

齊賢曰漢書周亞夫乘傳至洛陽得劇孟喜曰吳楚舉大事而不求劇孟吾知

其無能為也士贇曰咤說文咄笑也楚人謂相啁笑曰咤

梁甫吟聲正悲張公兩龍

劍神物合有時風雲感會起屠釣大人峴岿當安之賢

曰屠釣呂尚也士贇曰峴岿不安貌此篇意思轉摺甚多蓋太白借此以言志也長嘯梁甫吟何時見陽春是嘆三士之不可復生亦以喻有志之士何時而遇主也君不見兩段乃太白聊自慰解之辭謂太公之老食其之狂當時視為尋常落魄之人後猶遇合如此則為士者終有遇合之時也我欲攀龍見明主乃太白於時事有所見而欲告於其君也雷公辟旬震天鼓帝傍投壺多玉女三時大笑開電光倏爍晦冥起風雨以喻權姦女謁用事而政令無常也閭閻九門不可通以額扣關閭者怒以喻言路壅塞下情不得以上達而言者往往獲罪於權近也白日不照吾精誠祀國無事憂天傾者乃太白灼見當時貴妃國忠林甫祿山竊弄權柄等事禍已胎而未形欲諫則言無證而不信倘使其君不鑒吾之誠則正所謂杞人憂天之類耳猥磨牙競人肉

騶虞不折生草莖此乃深嘆當時小人在位為政害民  
有如猥偷磨牙競食人肉使有道之朝則當仁如騶虞  
雖生草不履况肯以人肉為食哉况肯輕殺一士哉手  
接飛猱搏彫虎側足焦原未言苦智者可卷愚者豪世  
人見我輕鴻毛力排南山三壯士齊相殺之費二桃白  
意蓋謂使當有道之朝得君而佐之為國出力利姦擊  
邪不憚勤勞如接猱搏虎雖側足焦原未足言苦耳今  
時事如此則惟當卷其智而為愚乃為人豪世不我知  
謂為真愚而輕我如鴻毛然白亦卒不改行者亦思古  
來三壯士之功力如此一忤齊相用計殺之特費二桃  
殊不勞力白也倘不卷其智而懷之適足使權近得以  
甘心焉耳又何補哉吳楚弄兵無劇孟亞夫咤爾為徒  
勞者此又白深自慰解之辭謂當國者終須得人為用  
必有遇合之時也梁甫吟聲正悲張公兩龍劍神物合  
有時風雲感會起屠釣大人峴岼當安之者此乃申言  
有志之士終當如太公食其之感會風雲猶神劍之會

合有時也則夫大人君子遭時屯否  
况不安者且當安時以俟命可也

烏夜啼

士贇曰烏夜啼者清商曲也其辭始於宋臨川王義慶所作宋元嘉中徙彭城

王義康於豫章郡義慶時為江州相見而哭文帝聞而怪之召還宅義慶大懼妓妾聞烏夜啼叩齋閣云明日應有赦及旦改南兗州刺史因作此歌太白此詩亦祖此意詞不同耳

黃雲城邊烏欲棲歸飛啞啞枝上啼

齊賢曰機中織錦啞笑聲

秦川女碧紗如烟隔窻語停梭悵然憶遠人獨宿孤房

淚如雨

烏棲曲

士贇曰樂錄烏棲曲者鳥獸三十一曲之一也

姑蘇臺上烏樓時吳王宮裏醉西施

齊賢曰賀知章見太白烏樓曲嘆賞

曰此詩可以泣鬼神

吳歌楚舞歡未畢青山欲銜半邊日銀箭金

壺漏水多起看秋月墜江波東方漸高奈樂何

士贊曰此詩雖

只樂府然深得國風刺詩之體盛言其美而不美者自見觀者其毋忽諸

戰城南

士贊曰戰城南者漢短簫鏡歌二十二曲之一也太白此作指當時之事而言

也

去年戰桑乾源今年戰葱河道

齊賢曰代郡桑乾縣言與突厥戰後漢書注葱

嶺山名其山生葱故名士贊曰唐書王忠嗣傳天寶元年北討奚契丹戰桑乾河三遇三克李嗣業傳初討勃

律通道 洗兵條支海上波放馬天山雪中草

士贇曰漢書條支國

臨西海新連山即天山也匈奴呼天為祈連

萬里長征戰三軍盡衰老匈奴

以殺戮為耕作古來唯見白骨黃沙田秦家築城避胡

處漢家還有烽火然烽火然不息征戰無已時

齊賢曰邊方備

警作土臺臺上作桔槔頭上有苑岑以薪草置其中有寇即然火舉之以相告曰烽火多積薪寇至則燔之望其烟曰燧書則燔燧夜則舉烽廣雅曰苑岑龍也 野戰格鬪死敗馬號鳴向天

悲鳥鵲啄人腸銜飛上掛枯樹枝士卒塗草莽將軍空

爾為乃知兵者是凶器聖人不得已而用之

士贇曰開元天寶中



上好邊功征伐無時  
此詩蓋有所諷者也

將進酒

士贊曰將進酒者漢短箫鼓歌二十二曲之一也太白填之以伸已之意耳

君不見黃河之水天上來奔流到海不復迴

士贊曰山海經河源

出崑崙之上

君不見高堂明鏡悲白髮朝如青絲暮成雪人

生得意須盡歡莫使金樽空對月天生我材必有用千

金散盡還復來烹羊宰牛且為樂會須一飲三百杯岑

夫子丹丘生進酒君莫停與君歌一曲請君為我側耳

聽齊賢曰杜工部詩多與岑參唱和岑夫子必此人也丹丘生即元丹丘

鐘鼓饌玉不足

貴但願長醉不願醒古來聖賢皆寂寞惟有飲者留其

名陳王昔時宴平樂斗酒十千恣譔謔主人何為言少

錢徑須沽取對君酌

齊賢曰曹子建封陳王為名都篇曰歸來宴平樂美酒斗十千平樂

觀五花馬千金裘呼兒將出換美酒與爾同銷萬古愁

齊賢曰史記孟嘗君有一狐白裘直千金士贇曰五花馬言其毛色也如九花三花之類此篇雖似任達放浪然太白素抱用世之才而不遇合亦自慰解之詞耳

行行且遊獵篇

士贇曰行行且遊獵即征戍十五曲中之校獵曲也

邊城兒生年不讀一字書但將遊獵誇輕趫胡馬秋肥

宜白草騎來躡影何矜驕

齊賢曰影日景也躡言疾也士贇曰北齊盧潛與弟子選

少為崔昂所知云此昆季足為後生之俊但恨其俱不讀書耳

金鞭拂雪揮鳴鞘半酣

呼鷹出遠郊弓彎滿月不虛發雙鶴迸落連飛鶻

呼交切齊

賢曰鞘音肖鞭鞘也士贇曰滿月者彎弓圓滿之狀

海邊觀者皆辟易猛氣英風

振沙磧儒生不及遊俠人白首下帷復何益

齊賢曰辟易言開張

而失其本處水中有石曰磧董仲舒下帷讀書士贇曰天寶以後上好邊功武士得志儒生罕得進用太白號為儒者亦自嘆云耳

# 飛龍引二首

士贇曰飛龍引者古樂府魚龍六曲之一此詞專言黃帝鼎湖丹成

騎龍上

昇之事

黃帝鑄鼎於荆山鍊丹砂丹砂成黃金騎龍飛上太清  
家雲愁海思令人嗟宮中綵女顏如花飄然揮手凌紫  
霞從風縱體登鑾車登鑾車侍軒轅遨遊青天中其樂  
不可言

齊賢曰黃  
帝號軒轅

其二

鼎湖流水清且閒軒轅去時有弓劍古人傳道留其間  
齊賢曰鼎湖在陝州後宮嬋娟多花顏乘鸞飛烟亦不還騎龍攀

天造天關造天關聞天語

齊賢曰史天官書曰北辰一名天關

長雲河車

載玉女載玉女過紫皇

士贇曰晉天文志中宮北極五星鉤陳六星皆在紫宮中口中

一星曰天皇大帝即所謂紫星也

紫皇乃賜白兔所擣之藥方後天而

老凋三光

齊賢曰傳玄擬天問曰月中何有白兔擣藥士贇曰後天而老凋三光者言三光有時凋

落而此之真身則長存也

下視瑤池見王母蛾眉蕭颯如秋霜

天馬歌

士贇曰天馬歌者古樂府車馬六曲之一

天馬來出月氏窟背為虎文龍翼骨嘶青雲振綠髮蘭

筋權奇走滅沒

齊賢曰大月氏本居燉煌祁連間至冒頓單于攻破月氏冒頓卒子老上單于

殺月氏王月氏乃遠去大宛西擊大夏而臣之其衆少號小月支九域志安西大都督護府領馬西域大宛馬虎脊魚目龍文鳳頸尾如蒲稍相馬經曰一騰崑崙歷筋從玄中出曰蘭玄中者目上陷如井字整騰崑崙歷

西極四足無一蹶雞鳴刷燕脯秣越神行電邁躡慌惚

齊賢曰赭白馬賦曰旦刷幽燕晝秣荆越杜預曰以粟飯馬曰秣天馬呼飛龍趨目明

長庚臆雙鳧尾如流星首渴鳥口噴紅光汗溝珠

齊賢曰長

庚太白星也謂眼如長庚星有光曜安驥書曰雙鳧胃兩邊肉如鳧鳧間所開視之如雙鳧欲向上士贇曰渴鳥謂馬昂首如渴鳥之狀也伯樂相馬經曰膺門欲開汗溝欲深口中欲得赤此用口噴紅光易其字也曾

陪時龍躡天衢羈金絡月照皇都逸氣稜稜凌九區白

壁如山誰敢沽

齊賢曰王逸曰韉在口為韉絡在頭

回

頭笑紫燕但覺爾輩愚

齊賢曰紫燕馬名

天馬奔戀君軒駉躍

驚矯浮雲翻萬里足躑躅遙瞻閭闔門不逢寒風子誰

採逸景孫白雲在青天丘陵遠崔嵬

齊賢曰說文躑躅住足也

鹽車

上峻坂倒行逆施畏日晚伯樂翦拂中道遺

齊賢曰戰國策驥驥

之齒長服鹽車而上太行白汗交流負轅而不能進伯樂遭之下車攀而哭之解綬衣以幕之騏驥於是俛而噴仰而鳴見伯樂之知已

少盡其力老棄之願逢田子

方惻然為我悲

齊賢曰韓詩外傳田子方出見老馬於道問其御曰此何馬也曰公家畜也疲

而不用故出之子方喟然嘆曰少盡其力老棄其  
身仁者不為東帛贖之窮士聞之知所歸心焉 雖有

玉山禾不能療苦飢

齊賢曰玉山即崑崙山上海經曰崑崙山上有木禾長五尋大五圍

嚴霜五月凋桂枝伏櫪銜冤推兩眉請君贖獻穆天子

猶堪弄影舞瑤池

齊賢曰史記造父取桃林驂騮驂獻之穆王王使造父為御西巡狩見

王母於瑤池之上士贇曰魏武帝云老驥伏櫪志在千里此篇蓋為逸羣絕倫之士不遇知己者嘆亦白自傷其不用於世而求知於人也歟

行路難

士贇曰行路難者古樂府道路六曲之一

金樽清酒斗十千玉盤珍羞直萬錢停杯投筯不能食



拔劍四顧心茫然欲渡黃河冰塞川將登太行雪滿山  
閒來垂釣碧溪上忽復乘舟夢日邊齊賢曰黃河至冬寒即凍徹底九域  
志太行在懷州澤州行路難行路難多岐路今安在長風破浪會  
有時直掛雲帆濟滄海

其二

大道如青天我獨不得出羞逐長安社中兒赤雞白狗  
賭梨栗彈劍作歌奏苦聲曳裾王門不稱情淮陰市井  
笑韓信漢朝公卿忌賈生齊賢曰史韓信淮陰人淮陰少年侮信曰若雖長大好帶

劍能死刺我不能出胯下信熟視俛出胯下一市皆笑  
信以為怯士贊曰史賈生名誼文帝召為博士是時賈  
生最年少每詔令議下諸老先生不能言賈生畫為之  
對諸律令所更定及列侯悉就國其說皆自賈生發之  
於是天子議以賈生任公卿之位絳灌東陽侯馮敬之  
屬盡惡之乃短賈生曰洛陽之人最年少初學專欲擅  
權紛亂諸事於是天子後亦疏之不君不見昔時燕家  
用其議乃以賈生為長沙王太傅

重郭隗擁篲折節無嫌猜劇辛樂毅感恩分輸肝剖膽  
效英才昭王白骨縈爛草誰人更掃黃金臺行路難歸

去來

齊賢曰史記燕昭王謂郭隗曰齊因孤國亂而襲  
破燕誠得賢士以共國以雪先王之恥孤之願也

隗曰王必欲致士先從隗始賢於隗者豈遠千里哉於  
是昭王為隗改築宮而師事之樂毅自魏往鄒衍自齊

往劇辛自趙往行既如約昭王擁  
篲先驅請列弟子之座而受業

### 其三

有耳莫洗潁川水有口莫食首陽蕨

齊賢曰史記伯夷叔齊孤竹君之二

子武王伐紂伯夷叔齊叩馬諫武王平商伯夷叔齊義不食周粟隱於首陽山采薇而食之首陽山在河東蒲坂華山之北  
河曲之中  
含光混世貴無名何用孤高比雲月吾觀

自古賢達人功成不退皆殞身子胥既棄吳江上屈原

終投湘水濱

齊賢曰伍子胥諫王釋齊而先越太宰嚭受越賂譏子胥賜屬鏹之劍子胥告舍人

曰必抉吾眼懸吳東門以觀越之滅吳乃自劉王間之怒取子胥尸盛以編夷革浮之江中屈原事見前卷

陸機雄才豈自保李斯稅駕苦不早華亭鶴唳詎可聞

上蔡蒼鷹何足道

齊賢曰晉陸機字士衡有異才成都王穎與河間王顥起兵討長沙王乂

假機後將軍河北大都督中郎將長沙王乂奉天子與機戰於鹿苑機軍大敗官人孟玖譖機於穎穎怒收機機嘆曰華亭鶴唳宜可復聞乎遂遇害李斯君不見吳楚上蔡人稅舍也蒼鷹黃犬也事見前卷

中張翰稱達生秋風忽憶江東行且樂生前一杯酒何

須身後千載名

齊賢曰晉書張翰字季鷹吳郡人有清才善屬文而任縱不拘齊王冏辟為大

司馬東曹掾冏時執權翰欲求去因見秋風起乃思吳中菰菜蓴羹鱸魚鱠曰人生貴得適志何能羈宦數千

里外以要名爵乎遂命駕而歸

長相思

士贇曰樂府怨思二十  
五曲其一曰長相思

長相思在長安絡緯秋啼金井闌微霜淒淒簾色寒孤

燈不明思欲絕卷帷望月空長嘆美人如花隔雲端齊賢

曰促織一名絡緯以  
其鳴如紡績織緯也上有青冥之長天下有淶水之波

瀾士贇曰青  
冥雲也天長路遠魂飛苦夢魂不到關山難長相

思摧心肝

上留田行

士贇曰王僧虔技錄曰上留田行者  
相和歌瑟調三十八曲之一也崔豹

古今注曰上留田地名也其地人有父母死不  
字其孤弟者隣人為其弟作悲歌以風其兄故

曰上留

田曲

行至上留田孤墳何崢嶸積此萬古恨春草不復生悲  
風四邊來腸斷白楊聲借問誰家地埋沒蒿里塋古老  
向余言言是上留田

齊賢曰死人之里謂之蒿里

蓬科馬鬣今已平

昔之弟死兄不葬他人於此舉銘旌

齊賢曰馬鬣封之謂也銘者放也以

死者為不可別已故以其旌識之士贊曰此篇主意一正在此昔之弟死兄不葬他人於此舉銘旌兩句

鳥死百鳥鳴一獸走百獸驚桓山之禽別離苦欲去迴

翔不能征

齊賢曰征飛也

田氏倉卒骨肉分青天白日摧紫荆

交柯之木本同形東枝顛顚西枝榮無心之物尚如此

參商胡乃尋天兵

齊賢曰京兆人田真兄弟三人共分各居堂前有一株紫荆花甚茂欲破

為三待明截之忽一夕樹即枯死真見之謂諸弟曰木同株當分析便顛顚况人兄弟孔懷而可離是人不如樹木也兄弟相感而更合交柯之木出岷山安都縣兩樹對生一樹枯則一樹生如是歲更不俱生俱枯也

孤竹延陵讓國揚名高風緬邈顏波激清

齊賢曰史記伯夷叔齊孤

竹君之二子也父欲立叔齊及父卒叔齊讓伯夷伯夷曰父命也遂逃去叔齊亦不肯立而逃之國人立其中子吳王壽夢有子四人長諸樊次餘祭餘昧季札季札賢壽夢欲立之季札讓不可於是乃立長子諸樊季札封於延陵故號曰延陵季子緬猶邈也

尺布之謡塞耳不能聽

齊賢曰史孝文時淮

南厲王犯不軌徙蜀不食死民歌曰一尺布尚可縫一  
斗粟尚可舂兄弟二人不相容士贊曰此篇主意全在  
孤竹延陵讓國揚名尺布之誣塞耳不能聽數句非泛  
然之作蓋當時有所風刺以唐史至德間事考之其為  
啖廷瑶李成式皇甫侁輩受肅宗風旨以謀激永  
王璘之反而執殺之太白目擊其時事故作是詩

### 春日行

士贊曰春日行者時  
景二十五曲之一也

深宮高樓入紫清金作蛟龍盤繡楹佳人當牕弄白日  
絃將手語彈鳴箏春風吹落君王耳此曲乃是昇天行  
因出天池汎蓬瀛樓臺颺沓波浪驚

齊賢曰蓬瀛蓬萊  
瀛洲也莊子南溟

者天池也三千雙蛾獻歌笑搥鐘考鼓宮殿傾萬姓聚舞歌



太平我無為人自寧

齊賢曰雙蛾蛾眉也

三十六帝欲相迎仙人

飄翩下雲輶帝不去留鎬京

士贊曰三十六帝乃三十六天帝君也鎬京地名

安能為軒轅獨往入窅冥小臣拜獻南山壽陛下萬古

垂鴻名

齊賢曰窅冥杳冥也

前有樽酒行

士贊曰前有樽酒行者即樂府觴酌七曲之前有一樽酒也

春風東來忽相過金樽渌酒生微波落花紛紛稍覺多

美人欲醉朱顏酡

士贊曰韻釋飲而面赭曰酡

青軒桃李能幾何流

光欺人忽蹉跎君起舞日西夕當年意氣不肯平白髮

如絲嘆何益

其二

琴奏龍門之綠桐玉壺美酒清若空

齊賢曰龍門之桐高百尺而無枝使

琴摯斫斬以為琴

催絃拂柱與君飲看朱成碧顏始紅胡姬貌

如花當鑪笑春風笑春風舞羅衣君今不醉將安歸

齊賢

曰古樂府胡姬年十五春日獨當鑪師古曰賣酒之處以土為鑪

夜坐吟

士贇曰夜坐吟者樂府時景二十五曲之一也

冬夜夜寒覺夜長沉吟久坐坐北堂冰合井泉月入閨

金釭青凝照悲啼金釭滅啼轉多掩妾淚聽君歌

釭古雙切

士贇曰金釭燈盞也

歌有聲妾有情情聲合兩無違一語不入意

從君萬曲梁塵飛

野田黃雀行

士贇曰王僧虔技錄相和歌瑟調三十八曲內有野田黃雀行乃晉

樂奏也

遊莫逐炎洲翠樓莫近吳宮燕吳宮火起焚巢窠炎洲

逐翠遭網羅

齊賢曰十洲記云炎洲在南海中二千里去地岸九萬里有火山林山獸

呂曰羅網蕭條兩翅蓬蒿下縱有鷹鷂奈若何

齊賢曰鷹鷂鵂鶩屬

莖篴謠

齊賢曰古今注莖篴引者朝鮮津卒霍里子高妻麗玉所作士贇曰琴操五十

七曲九引內有莖篴引亦曰公無渡河亦曰莖篴謠太白此詞用其名

攀天莫登龍走山莫騎虎貴賤結交心不移唯有嚴陵

及光武

齊賢曰東漢嚴光字子陵餘姚人少與光武同遊學及光武即位光乃變姓名隱身不見帝思

其賢乃令以物色訪之後齊國上言有一男子披羊裘釣澤中帝疑其光乃備安車玄纁以聘之三反而後至

車駕即日幸其館復引光入論道故舊相對累日因共偃卧光以足加帝腹上明日太史奏客星犯御座甚急

帝笑曰朕故人嚴子陵共卧耳除為諫議大夫不周公屈乃耕於富春山後人名其釣處為嚴陵灘焉

稱大聖管蔡寧相容

齊賢曰武王崩成王少周公專王室管蔡疑公不利於成王乃挾武

庚作亂周公誅武  
漢謠一斗粟不與淮南春兄弟尚路

人吾心安所從他人方寸間山海幾千重輕言託朋友

對面九疑峯多花必早落桃李不如松管鮑久已死何

人繼其蹤齊賢曰史記管仲少時與鮑叔牙游鮑叔善遇之管仲曰吾始困時嘗與鮑叔賈分財利多

自與鮑叔不以我為貪知我貧也吾嘗與鮑叔謀事而更窮困鮑叔不以我為愚知時有利不利也吾嘗三

仕三見逐於君鮑叔不以我為不肖知我不遭時也吾嘗三戰三走鮑叔不以我為怯知我有老母也公子糾

敗召忽死之吾幽囚受辱鮑叔不以我為無恥知我不羞小節而恥功名不顯於天下也生我者父母知我者

鮑子也鮑叔既進管仲以身下之不多管仲之賢而多鮑叔能知人

雉朝飛

齊賢曰古今注曰雉朝飛者犢牧子所  
作也齊處士泯宣年五十無妻出薪於

野見雉雌雄相隨而飛意動心  
悲乃作雉朝飛之操以自傷

麥隴青青三月時白雉朝飛挾兩雌錦衣繡翼何離襍

犢牧採薪感之悲春天和白日暖啄食飲泉勇氣滿爭

雄鬪死繡頸斷雉子班奏急管絃傾心酒美盡玉椀齊賢

曰樂府有  
雉子班曲

枯楊枯楊爾生稊我獨七十而孤棲彈絃寫

恨意不盡瞑目歸黃泥

齊賢曰易曰枯楊生稊  
老夫得其女妻利

上雲樂

齊賢曰梁周捨上雲樂曰西方老胡厥  
名文康士贇曰樂府神仙二十二曲中

有上雲樂亦  
曰洛濱曲

金天之西白日所沒

齊賢曰西方為金故西曰金天

康老胡雛生彼月

窟巉巖容儀戍削風骨

齊賢曰石勒年十四王衍見而異之謂左右曰向者胡雛吾觀

其聲視有奇志恐將為天下之患巉巖高聳貌戍削清臞貌

碧玉晃晃雙目瞳黃金

拳拳兩鬢紅華葢垂下睫嵩嶽臨上唇不覩詭譎貌豈

知造化神

齊賢曰碧玉晃晃言眼色碧而有光相書曰眉為華葢其眉長覆目鼻為中嶽其鼻下侵

唇

大道是文康之嚴父元氣乃文康之老親

齊賢曰莊子道與之

貌天與之形

撫頂弄盤古推車轉天輪

齊賢曰徐整三五歷紀天地混沌如雞子

盤古生其中萬八千歲天地開闢陽清為天陰濁為地  
盤古在其中一日九變神於天聖於地天日高一丈盤  
古日長一丈如此萬八千歲天數極高地數極深盤古  
極長後乃有三皇數起於一立於三成於五盛於七處  
於九故天地九萬里呂氏春秋天地云見日月初生時  
如車輪終則復始高誘曰輪轉也

鑄冶火精與水銀陽烏未出谷顧兔半藏身

齊賢曰火精日也水

銀月也春秋元命苞曰陽成於三故日中有三足鳥者  
陽精也尚書宅嵎夷曰暘谷屈原天問曰夜光何德死  
則又盲蹶利維何而顧女媧戲黃土團作愚下人散在  
兔在腹注夜光月也

六合間濛濛若沙塵生死了不盡誰明此胡是仙真齊賢

曰女媧古神女帝人面蛇身一日七十變其腸化為神  
淮南子曰黃帝生陰陽上駢生耳目桑麻生臂手此女



媧所以七十化也士贇曰此句乃女媧鍊石補天缺之推耳

西海栽若木東溟植扶

桑別來幾多時枝葉萬里長中國有七聖半路顏洪荒

齊賢曰事見前卷

陛下應運起龍飛入咸陽赤眉立盆子白水

興漢光

齊賢曰秦都咸陽即京兆府咸陽縣也漢樊崇起兵於莒王莽遣廉丹擊之崇等欲戰恐其衆

與莽兵亂乃皆朱其眉以相別由是號赤眉西攻長安求劉氏後得城陽王章之後盆子立為帝東觀漢記曰長沙定王中子買封春陵節侯節侯生戴侯戴侯生考侯以春陵地勢下濕上書願徙南陽守墳墓元帝許之徙封南陽白水鄉九域志白水叱咤四海動洪濤為簸隸鄧州東京賦龍飛白水是也

揚舉足躅紫微天關自開張

齊賢曰天文志紫微大帝所居北斗第一星曰天關

老胡感至德東來進仙侶五色師子九苞鳳凰是老胡

雞犬鳴舞飛帝鄉淋漓颯沓進退成行

齊賢曰梁周捨上雲樂鳳凰是

老胡家雞師子是老胡家狗漢烏弋山離國出師子孟康注師子似虎正黃有頰形尾端茸毛大如斗形音而

形頰旁毛師古曰即爾雅狻猊也士贇曰唐太宗時西域康居國獻師子帝珍其遠命虞世南作賦山海經丹

穴之山有鳥狀如鶴五色而文名曰九苞能胡歌獻漢酒跪雙膝立兩肘散

花指天舉素手拜龍顏獻聖壽

齊賢曰維摩詰經云會中有一天女以天花散

諸菩薩大弟子上至諸菩薩悉皆墮落至大弟子便著不墮於是一切弟子皆以神力去花終不能去士贇曰

此數句模寫其一北斗戾南山摧天子九九八十一萬時之威儀舉措耳

歲長傾萬歲杯

夷則格上白鳩拂舞辭

齊賢曰唐禮樂志曰白鳩長拂舞曲也士贇曰

拂舞歌五曲有白鳩篇亦曰白鳧舞以其歌且舞也亦入清商曲按晉湯弘舞序云自到江南見白符舞符即鳧也白鳧舞即白鳩舞也白鳧之辭出於吳本歌云平平白鳧思我君惠集我金堂謂晉為金德吳人患孫皓虐政而思從晉也然碣石章又出於魏武則知拂舞五篇並晉人採集魏末亡國之前所作惟白鳧不用吳舊歌而更作之命曰白鳩篇

鏗鳴鐘考朗鼓

齊賢曰鏗撞也考擊也

歌白鳩引拂舞白鳩之白

誰與隣霜衣雪襟誠可珍含哺七子能平均食不噎性

安馴

齊賢曰毛詩鵲鳩刺不噎也其一章云鵲鳩在桑其子七兮毛萇曰鵲鳩結鞠也鵲鳩之養其子朝

從上下暮從下上平均如一鳩不噎之鳥

首農政鳴陽春天子刻玉杖鏤形

賜耆人

齊賢曰月令季春之月鳴鳩拂其羽鄭玄註鳴鳩飛且翼相擊趨農急也後漢禮儀志仲秋之

月縣道皆按戶比民年七十者授之以玉杖鋪之以糜粥八十九十禮有加賜玉杖長尺端以鳩鳥為飾鳩者不噎之鳥也白鷺之白非純真外潔其色心匪仁闕五

欲老人不噎

德無司晨胡為啄我葭下之紫鱗鷹鸛鵬鵠貪而好殺

鳳凰雖大聖不願以為臣

齊賢曰韓詩外傳田饒曰雞戴冠文也足持距武也見敵

而鬪勇也得食相呼義也鳴不失時信也雞有五德善司晨雖陰晦而不輟其鳴爾雅葭蘆也葦也

日出入行

士贊曰日出入行即樂府時景二十一曲之一日出行也

日出東方隈似從地底來歷天又入海六龍所舍安在

哉

齊賢曰爾雅厓內為隈外為隈

其始與終古不息人非元氣安得與

之久徘徊草不謝榮於春風木不怨落於秋天誰揮鞭

策驅四運萬物興歇皆自然

齊賢曰春秋迭運草木自榮自落何謝何怨士贊曰

四運四時之運也

羲和羲和汝奚汨沒於荒淫之波魯陽何德

駐景揮戈逆道違天矯誣實多

齊賢曰山海經曰東南海外有羲和之國有女

子名羲和是生十日常浴日於甘淵注云羲和天地始生主日月者也故堯由是立羲和之官以立四時淮南

子曰魯陽公與韓遘戰酣日暮援戈而揮之日為之  
反三舍九域志汝州魯陽閭即魯陽公揮戈退日處  
將囊括大塊浩然與溟滓同科齊賢曰莊子大塊噫氣  
郭象注大塊者無物也  
帝系譜曰天地初起溟滓鴻濛士贊曰滓溟司馬彪云  
自然元氣也此篇大意謂日月之運行萬物之生息皆  
元氣之自然人力不能與乎其間也

胡無人

士贊曰王僧虔技錄相和歌  
三十八曲中有胡無人行

嚴風吹霜海草凋筋幹精堅胡馬驕

士贊曰周禮冬官  
凡為弓冬析幹而

春液角夏治筋秋合  
三材寒奠體水析滲

漢家戰士三十萬將軍兼領霍嫖

姚

齊賢曰漢書大將軍受詔子壯士為嫖姚校尉於是  
上曰嫖姚校尉去病斬首捕虜二千二十八級封去

病為冠軍侯服虔音飄搖師古曰嫖  
匹妙切姚羊召切嫖姚勁疾之貌

流星白羽腰間插

劍花秋蓮光出匣

齊賢曰陳孔璋賡曰飛兔流星注言疾也士贇曰越絕書秦客薛燭善相

劍越王取純鉤示之燭揚其華粹如芙蓉始生其紋如星行其光如波溢於塘

天兵照雪下玉

關虜箭如沙射金甲

齊賢曰唐武德二年析甘州之福祿瓜州之玉門置肅州有玉門縣

玉門關開元中沒吐蕃因其地置玉門軍

雲龍風虎盡交回太白八月敵可

摧敵可摧旄頭滅

齊賢曰易乾卦雲從龍風從虎酉陽雜俎曰太白聞祿山反作胡無人詩

曰太白八月敵可摧祿山死日果見太白食月史記天官書旄頭胡星也

履胡之腸涉胡血

懸胡青天上埋胡紫塞傍

齊賢曰崔豹古今注秦築長城土色皆紫漢塞亦然故曰

紫塞士贊曰或曰紫塞者岱山有紫  
壩城城傍有草草生紫色故曰紫塞  
胡無人漢道昌士贊

曰詩至漢道昌一篇之意已足陛下之壽三千霜但歌  
大風雲飛揚安用猛士今守四方一本無此三句者是  
也使蘇子由見之必不肯輕致不識理之誚矣東坡云  
今太白集之有悲來乎笑矣乎及贈懷素草書數詩決  
非太白作蓋唐末五代間齊已輩詩也僕亦曰此詩末  
後三句安知非此輩所增乎致使太白貽譏於數百載  
之後惜哉雖然東坡能辨之穎濱直致譏焉是亦足以  
定二蘇之優劣今遂刪去後人具正法眼藏者必蒙賞  
音

北風行士贊曰樂府有時景二  
十五曲中有北風行

燭龍棲寒門光曜猶旦開日月照之何不及此唯有北



風號怒天上來

齊賢曰見前注淮南子曰八紘之外又有八極北極之山曰寒門注積寒所在

故曰燕山雪花大如席片片吹落軒轅臺

齊賢曰唐地志幽州范陽

郡幽都縣武德元年曰燕州媯州本北燕州宋天明中元日雪花降殿庭右將軍謝莊下殿雪集衣白上以為嘉瑞軒轅臺在漢上谷郡涿鹿縣幽州思婦十二月停歌罷笑雙蛾摧

倚門望行人念君長城苦寒良可哀別時提劍救邊去

遺此虎紋金鞞鞞中有一雙白羽箭蜘蛛結網生塵埃

齊賢曰鞞箭藏也

箭空在人今戰死不復迴不忍見此物焚之

已成灰黃河捧土尚可塞北風雨雪恨難裁

# 俠客行

士贇曰樂府俠遊二十五曲中有俠客行

趙客縵胡纓吳鉤霜雪明

齊賢曰莊子說劍篇趙太子曰吾王所見劍士皆蓬頭突

鬚垂冠曼胡之纓短後之衣瞋目而語難吳越春秋吳

王閭閻既寶莫邪復命於國中作金鉤令曰能為善鉤

者賞之百金吳作鉤者甚衆而有人貪王之重賞也殺

其二子以血釁金遂成二鉤獻於閭閻詣宮門而求賞

王曰為鉤者衆而子獨求賞何以異於衆夫子之鉤乎

作鉤者曰吾之作鉤也貪而殺二子釁成二鉤王乃舉

衆鉤示之何者是也王鉤甚多形體相類不知其所在

於是鉤師向鉤而呼二子之名吳鴻扈稽我在於此王

不知汝之神也聲絕於口兩鉤俱飛着父之胷吳王大

驚曰嗟夫寡人誠負於子乃賞百金遂服而不離身沈

存中曰吳銀鞍照白馬颯沓如流星齊賢曰流

鉤刀名銀鞍照白馬颯沓如流星疾也十步殺

一人千里不留行

齊賢曰莊子說劍篇莊子以劍見王曰子之劍何能禁制曰臣之劍十

步一人千里不留行王  
大悅曰天下無敵矣

事了拂衣去深藏身與名間過

信陵飲脫劍膝前橫將災啖朱亥持觴勸侯嬴三杯吐

然諾五嶽倒為輕眼花耳熱後意氣素霓生

齊賢曰史記魏公子

無忌封信陵君魏有隱士曰侯嬴年七十為大梁夷門

監者公子嘗置酒會客坐定從車騎自迎侯生曰臣有

客在市屠中願枉車騎過之公子引車入市侯生下見

其客朱亥睥睨故久立公子顏色愈和侯生乃就車至

家坐上坐酒酣公子起為壽罷酒侯生謂

公子曰朱亥賢者世莫能知故隱屠間耳

救趙揮金槌

邯鄲先震驚千秋二壯士烜赫大梁城縱使俠骨香不

慙世上英

士贇曰史魏公子無忌傳魏安釐王二十年秦破趙長平軍又進圍邯鄲公子姊為趙平

原君夫人數請救於魏魏王使將軍晉鄙將十萬衆救趙留軍壁鄴名為救趙實持兩端以觀望平原君使讓

魏公子公子患之乃用侯生計請如姬於王卧內竊虎符奪晉鄙軍使羸客朱亥袖四十斤鐵槌殺晉鄙公

子遂將其軍進擊秦軍秦軍解去遂救邯鄲存趙初公子過謝侯生侯生曰臣宜從老不能請數公子行日以

至晉鄙軍之日北向自剄陸德明釋文曰烜者光明宣著誰侯生果北向自剄陸德明釋文曰烜者光明宣著誰

能書閣下白首太玄經

齊賢曰漢書揚雄傳雄校書天祿閣上又曰哀帝時丁傅董賢

用事諸附離之者或起家至二千石時雄方草太玄有以自守泊如也士贇曰此詩似因鮑照詩聞雄草太玄

茲事採愚狂之意



李太白集分類補註

李太白集分類補註卷四

宋 楊齊賢 集註

元 蕭士贇 補註

樂府

關山月

士贇曰關山月者樂府鼓角橫吹十五曲之一也

明月出天山蒼茫雲海間長風幾萬里吹度玉門關

齊賢

曰吳氏語錄曰太白詩如明月出天山蒼茫雲海間長風幾萬里吹度玉門關皆氣蓋一世學者皆熟味之自

不編淺矣天山在唐西州交河郡天山縣天山至玉門關不為太遠而曰幾萬里者以月如出於天山耳非以天山為度也

漢下白登道胡窺青海灣由來征戰地不見有

人還

士贊曰括地志云朔州定襄縣本漢平城縣東北三十里有白登山山上有臺名曰白登臺漢書匈奴傳云冒頓圍高帝於白登七日即此地服虔云白登臺名去平城七里唐哥舒翰傳築神威軍於青海上吐蕃至攻破之又

築城於青海中戍客望邊邑思歸多苦顏高樓當此夜

嘆息未應閒

齊賢曰邑一作色閒一作還

獨漉篇

士贊曰獨漉篇即拂舞歌五曲中之獨祿篇也持太白集中祿字作漉字其間

命意造辭亦模倣規擬特古詞為父報仇太白則為國雪恥耳今錄古詞于題下曰獨獨祿祿



水深泥濁泥濁尚可水深殺我噫噫雙鴈遊戲  
田畔我欲射鴈念子孤散翩翩浮萍得風還輕  
我心何念與之同并空床低幃誰知無人夜衣  
錦綉誰別偽真刀鳴削中倚牀無施父寬不報  
欲活何為

獨漉水中泥水濁不見月不見月尚可水深行人沒越  
鳥從南來胡鷹亦北渡我欲彎弓向天射惜其中道失  
歸路落葉別樹飄零隨風客無所托悲與此同羅幃舒  
卷似有人開明月直入無心可猜齊賢曰蘇子由曰李太白詩過人其平生  
所作如浮花浪蕊其詩云羅幃舒卷似有人開明月直入無心可猜不可及雄劍掛壁時時

龍鳴不斷犀象繡澀苔生國恥未雪何由成名

齊賢曰烈士傳

曰眉間尺者眉間潤一尺楚人干將鑄邪之子楚王夫人嘗於夏納涼而抱鐵柱心有所感遂懷孕產一鐵楚

王命鑄邪鑄為雙劍三年乃成劍一雌一雄鑄邪留雄而以雌進楚王劍在匣中常悲鳴王問羣臣對曰劍有

雌雄鳴者雌憶其雄王怒收神鷹夢澤不顧鳥為君鑄邪殺之眉間尺因殺楚王

一擊鵬搏九天

士贇曰幽冥錄楚文王少時雅好畋獵天下快狗名鷹畢聚焉有人獻一鷹曰

非王鷹之儔王見其殊常故為獵於雲夢之澤毛羣羽族爭噬共搏此鷹獨瞪目遠瞻俄而雲際有一物翱翔飄颻鮮白而不辨其形鷹見之便竦翮而升轟若飛電須臾羽墮如雪血洒如雨良久有一大鳥墮地而死度其兩翅廣數十里喙邊有黃泉莫能知時有博物君子曰此大鵬雛也文王乃厚賞之此詩比興之意謂士之

用世則當為國雪恥立大功以成名猶神鷹之不顧凡鳥而但擊九天之鵬也

登高丘而望遠海

士贇曰太白此詩不過引秦皇漢武巡海求仙之事以通

諷諫

耳

登高丘望遠海六鰲骨已霜三山流安在

齊賢曰列子五山一曰岱

輿二員嶠三方壺四瀛洲五蓬萊其根無所連着隨潮波上下帝命巨鼇十五舉首戴之五山始峙而不動龍伯之國有大人舉足不盈數步而暨五山之所一釣而連六鼇於是岱輿員嶠二山流於北極汎於大海仙聖之播遷者扶桑半摧折白日沈光彩  
齊賢曰十洲記銀巨億萬計扶桑在碧海中

臺金闕如夢中秦皇漢武空相待

士贇曰東方朔十洲記鍾山在北海子地

上有金臺玉閣亦元氣之所含天  
帝之治處也秦皇漢武事見前卷  
精衛費木石鼃鼃無

所憑

齊賢曰精衛徙木石事見一卷註士贊曰紀年周  
穆王三十七年征伐大起九師東至九江叱鼃鼃

以為梁江淹恨賦秦皇按劍諸侯西馳削平天下同文  
共規方駕鼃鼃以為梁巡海右以送日太白詩蓋祖江  
淹賦  
君不見驪山茂陵盡灰滅牧羊之子來攀登盜賊

劫寶玉精靈竟何能

齊賢曰始皇葬驪山漢武葬茂陵  
劉向傳曰始皇塚見發其後牧兒

亡羊羊入其鑿牧者行火求羊失火燒其藏椹漢高紀  
項羽掘始皇塚收其財典論曰喪亂以來漢氏諸陵無  
不發掘至乃燒  
窮兵黷武今如此鼎湖飛龍安可乘

士

取玉匣金鏤  
曰此言二君窮兵黷武如此若黃帝之上仙安可得  
也唐明皇亦好神仙喜邊功者此詩其有所諷乎

陽春歌

士贇曰歌錄陽春歌楚曲也即時景二十五曲之一

長安白日照春空綠楊結烟垂裏風披香殿前花始紅

流芳發色繡戶中

士贇曰班固西都賦曰後宮則有掖庭椒房披香發越注云長安有披香

殿繡戶中相經過飛燕皇后輕身舞紫宮夫人絕世歌

聖君三萬六千日歲歲年年奈樂何

齊賢曰漢書李延年故倡也女弟得

幸號李夫人初夫人兄延年善歌舞武帝愛之延年侍上起舞歌曰北方有佳人絕世而獨立一顧傾人城再顧傾人國不知傾城與傾國佳人難再得上嘆曰世豈有此人乎平陽主因言有女弟上召見之實妙麗善舞由是得幸生昌邑王士贇曰西京雜記漢孝成皇后趙飛燕體輕弱行步進退色如紅玉擅寵後宮漢書趙飛

燕體輕能

掌上舞

楊叛兒

士贇曰樂錄楊叛兒亦曰西曲楊叛兒本童謠也齊隆昌時女巫之子曰楊旻

隨母入內及長為太后所寵愛童謠云楊婆兒共戲來語訛轉婆為叛也

君歌楊叛兒妾勸新豐酒

齊賢曰九域志新豐故驪戎國在京兆府士贇曰西京雜

記太上皇徙長安居深宮悽愴不樂高祖竊因左右問其故以平生所好皆屠販少年酤酒餅鬪雞蹴鞠以此為懽今皆無此故以不樂高祖乃作新豐移諸故人實之太上皇乃悅故新豐多無賴無衣冠子弟故也高祖少時常祭扮榆之社及移新豐亦還立焉高祖既作新豐并移舊社衙巷棟宇物色惟舊士女老幼相攜路首各知其室故犬羊鷄鴨於通途亦競識其家其匠人胡寬所營也移者皆悅其似而德之故競加賞贈月餘致

累百何許最關人烏啼白門柳烏啼隱楊花君醉留妾

家博山爐中沈香火雙煙一氣凌紫霞

齊賢曰魏志張邈傳呂布自稱

徐州刺史太祖征布布與麾下登白門樓兵圍急乃下降即此地古楊叛曲暫出白門前楊柳可藏烏惟作沈水香儂作博山爐漢故事諸王出閣則賜博山香爐呂大臨考古圖曰爐象海中博山下盤貯湯使潤氣蒸香象海之四環士贇曰西京雜記長安巧工丁緩者作九層博山香爐鏤以奇禽怪獸皆自然能動

雙燕離

士贇曰琴操三十六離曲中有雙燕離

雙燕復雙燕雙飛令人羨玉樓珠閣不獨棲金牕繡戶

長相見

士贇曰東方朔十洲記崑崙山上有玉樓十栢二魏伯陽參同契曰雄不獨處雌不孤居

梁失火去因入吳王宮吳宮又焚蕩雖盡巢亦空

齊賢曰漢

元鼎二年作栢梁臺太初元年栢梁臺災虞氏家記吳白門闔廬作至秦始皇守宮吏燭燕窟失火燒宮而北

樓故憔悴一身在孀雌憶故雄雙飛難再得傷我寸心存

中

齊賢曰南史王整之姊嫁為衛敬瑜妻年十六而敬瑜亡誓不嫁所住戶有燕巢常雙飛來去後忽孤飛

女感其偏棲乃以縷繫脚為認後歲此燕果來猶帶前縷女為詩曰昔年無偶去今春猶獨歸故人恩既重不忍復雙飛士贇曰高誘曰寡婦曰孀此篇其太白自嘆之作乎首四句是喻其待詔金鑒得幸時也栢梁失火去喻遭讒放還時也中三句喻從永王瑋瑋敗以累遭責時也末四句是白嗟嘆之語謂放逐之餘思君而不得再見安得不為之傷心乎吁亦可哀也已



山人勸酒

士贊曰樂府觴酌七曲其一曰山人勸酒

蒼蒼雲松落落綺皓

士贊曰綺皓乃商山四皓之綺里季也高士傳四皓見秦政虐乃逃

入藍田山作歌曰漠漠高山深谷逶迤暉暉紫芝可以療飢唐虞世遠吾將安歸駟馬高蓋其憂甚大富貴之留人不如貧賤而肆志乃共入商洛山以待天下定春風爾來為阿誰蝴蝶忽然

滿芳草秀眉霜雪顏桃花骨青髓綠長美好稱是秦時

避世人勸酒相歡不知老各守麋鹿志恥隨龍虎爭欵

起佐太子漢皇乃復驚顧謂戚夫人彼翁羽翼成

齊賢曰史

留侯世家上欲廢太子立戚夫人子趙王如意呂后恐留侯為畫策曰此難以口舌爭也顧上不能致者天下

有四人逃匿山中義不為漢臣然上高此四人今公誠能令太子為書卑辭安車固請來以為客時時從入朝令上見之則一助也於是呂后令呂澤使人奉太子書卑辭厚禮迎此四人四人至客建成侯所十二上從擊破布軍歸疾益甚愈欲易太子及燕置酒太子侍四人從太子年皆八十有餘鬚眉皓白衣冠甚偉上怪之問曰彼何為者四人前對各言名姓曰東園公角里先生綺里季夏黃公上大驚曰吾求公數歲公逃避我今公何自從吾兒游乎四人皆曰陛下輕士善罵臣等義不受辱故恐而亡匿竊聞太子為人仁孝恭敬愛士天下莫不延頸欲為太子死者故臣等來上曰煩公幸卒調護太子四人為壽已畢趨去上目送之召戚夫人指示四人者曰我欲易之彼四人輔之羽翼已成難動搖矣呂后真而主矣戚夫人泣上曰為我楚舞吾為若楚歌歌曰鴻鵠高飛飛舉千里羽翮已就橫絕四海橫絕四海當可奈何雖有繒繳尚安所施歌數闕戚夫人嗟唏

流涕上起去罷酒竟不易太歸來商山下泛若雲無情  
子留侯本招此四人之力也

舉觴酌巢由洗耳何獨清浩歌望嵩嶽意氣還相傾齊賢

曰九域志曰潁昌府唐之許州許昌郡有許由臺巢父  
臺士贊曰逸士傳曰巢父堯時隱人年老以樹為巢而  
寢其上故人號為巢父堯之讓許由也由以告巢父巢  
父曰汝何不隱汝形藏汝光非吾友也乃擊其膺而下  
之許由悵然不自得乃遇清冷之水洗其耳拭其目曰  
嚮者聞言負吾友遂去終身不相見樊仲父牽牛飲之  
見巢父洗耳乃驅牛而還恥令其牛飲其下流也此意  
謂巢由之矯激不若四皓之時行時止一出而國本定  
事成則復歸乎商山卷舒自在若無心之雲也中庸之  
德其至矣乎何以濁清為哉太白蓋為明皇欲廢太子  
瑛有所感而作是詩也初瑛母以倡進鄂光二王母以  
色選及武惠妃寵幸後宮生壽王愛與諸子絕等而太

子二王以母失寵頗怏怏惠妃女婿楊洄揣妃旨伺太子短諱為醜語惠妃訴于帝且泣帝大怒召宰相議廢之張九齡諫得不廢俄而九齡罷李林甫專國數稱壽王美以探妃意妃果德之二十五年洄復構瑛瑤琚與妃之兄薛輔異謀惠妃使人詭召太子二王曰宮中有賊請戒以兵入太子從之妃白帝曰太子二王謀反甲而來帝使中人視之如言遽召宰相林甫議荅曰陛下家事非臣所宜豫帝意決乃詔廢為庶人尋遇害天下冤之號三庶人歲中惠妃病數見庶人為祟因召巫祈之請改葬且射行刑者瘞之訖不解妃死崇亡明皇之時盧鴻王希夷隱居嵩山李元愷吳筠之徒皆以隱逸稱或召至闕庭或遣問政事徒爾高議濶論然未有能如四皓之一言而太子得不易也末句曰浩歌望嵩嶽意氣還相傾亦深不滿於當時嵩嶽之隱者歟其意微而婉矣

于闐採花

士贊曰樂錄于闐採花者舊胡四曲之一太白此篇則借明妃之事以興

世之君子不遺明君賢不肖易置如明皇之思張九齡雖遣祭曲江竟何補哉此詩旨意皆自

國風中來  
讀者毋忽

于闐採花人自言花相似明妃一朝西入胡胡中美女

多羞死乃知漢地多名姝胡中無花可方比

齊賢曰西域傳于闐

國王治西域去長安九千六百七十里于闐之西水皆西流

丹青能令醜者妍無鹽

翻在深宮裏自古妬娥眉胡沙埋皓齒

齊賢曰西京雜記曰杜陵畫工

毛延壽善為人醜好老少必得真元帝宮人頗多嘗令畫工圖之有欲呼者披圖以召故宮人多行賂於畫工

昭君姿容甚麗無所苟求工遂毀其形狀後匈奴求美  
女帝以昭君充行既召見悅之而名字已去遂不復留  
帝怒殺毛延壽列女傳鍾離春齊無鹽邑之女為人極  
醜皮膚染漆行年四十嫁不售齊宣王燕於漸臺無鹽詣  
之召見為陳四殆王立拆漸臺拜無鹽為后士贊曰此  
篇是借事引喻以刺時君昏瞶借聽於人而賢不肖易  
置者讀之令人感歎

# 鞠歌行

齊賢曰陸機序漢宮閣下有含章鞠室  
靈芝鞠室士贊曰王僧虔宴樂技錄相

和歌平調七曲有鞠歌行太白此詞始則傷士  
之遭讒廢棄中則羨乎四賢之遇合有時終則  
重嘆今人不能如古人之  
識士也亦借此自况云耳

玉不自言如桃李魚目笑之下和恥楚國青蠅何太多

連城白壁遭讒毀荆山長號泣血人忠臣死為刖足鬼

齊賢曰漢書桃李不言下自成蹊卞和事見前卷士贇曰箋云興者謂蠅之為虫汙白使黑汙黑使白喻佞人

變亂善聽曲知甯戚夷吾因小妻士贇曰管子云齊桓公使管仲求甯戚戚

應之曰浩浩乎育育乎管仲未悟其婢子曰詩有之浩浩者水育育者魚未有室家安召我居注魚水喻配偶

也甯戚有伉儷之思故陳此詩又列女傳曰妾倩者齊相管仲之妾也甯戚欲見桓公道無從乃為人僕將車

宿齊東門之外桓公因出甯戚擊牛角而商歌甚悲歌曰南山燦白石爛生不逢堯與舜禪短布單衣適至胥

從昏飯牛薄夜半長夜漫漫何時旦桓公異之使管仲迎之甯戚稱曰浩浩乎白水管仲不知所謂不朝五日

而有憂色其妾倩進曰今君不朝五日而有憂色敢問國家之事耶君之謀也管仲曰非汝所知也倩曰妾聞

之也母老老母賤賤母少少母弱弱管仲曰何謂也倩曰  
昔者太公望年七十屠牛於朝歌市八十為天子師九  
十而封於齊由是觀之老可老耶夫伊尹有嬖氏之媵  
臣也湯立以為三公天下之治太平由是觀之賤可賤  
耶畢子生五歲而贊禹由是觀之少可少耶駃騠生七  
日而超其母由是觀之弱可弱耶於是管仲乃下席而  
謝曰吾請語子其故昔日公使我迎甯戚甯戚曰浩浩  
乎白水吾不知其所謂是故憂之其妾笑曰人已語君  
矣君不知識邪古有白水之詩詩不云乎浩浩白水儵  
儵之魚君來召我我將安居國家未定從我馬如此甯  
戚之欲得仕國家也管仲大悅以報桓公乃修官府齋  
戒五日見甯子因以為佐齊國以治君子謂妾倩為可  
與謀詩云先民有言詢于芻蕘此之謂也頌曰桓遇甯  
戚命管迎之甯稱白水管仲憂疑妾進問焉為說其詩  
管喜報公齊秦穆五羊皮買死百里奚洗拂青雲上當  
得以治云云



時賤如泥

士贊曰呂氏春秋百里奚未遇時飯牛於秦衛以五羊之皮公孫枝得之而獻繆公繆公用之

謀無不當舉必有功劉向說苑秦穆公使賈人載鹽微諸賈人賈人買百里奚以五羖羊之皮使將市之秦秦穆公觀鹽見百里奚牛肥曰任重道遠以險而牛何以肥也對曰臣飲食以時使之不以暴有險先後之以身是以肥穆公知其君子也令有司具沐浴為衣冠與坐公大悅異日與公孫枝論政公孫枝大不寧曰君耳目聰明思慮審察君其得聖人乎公曰然朝歌鼓刀叟虎吾悅夫奚之言彼類聖人也以為上卿

變磻谿中一舉釣六合遂荒營丘東平生渭水曲誰識

此老翁

齊賢曰淮南子曰太公之鼓刀磻谿石在鳳翔府號縣東南十八里有投竿跪餌兩膝所著之

處士贊曰太公事見前卷括地志營丘在青州臨淄北百步外呂氏春秋太公釣於茲泉遇文王鄭元云磻谿

中有泉謂之茲泉積水為渚即太公釣處今謂之九谷  
有石壁深高幽邃人迹罕及東南隅有石室蓋太公所  
居水次盤石釣處即太公垂釣之所其投竿踞餌兩膝  
遺迹猶存是磻谿之稱也其水清冷神異北流十二里  
注于渭說苑呂望年七十釣于渭渚三日三夜魚無食  
者望即忿脫其衣冠上有農人者古之異人謂望曰子  
姑復釣必細其綸若其餌徐徐而投無令魚駭望如其  
言初下得鮒次得鯉刺魚腹得書書文曰呂望封於齊  
望知奈何今之人雙目送飛鴻士贊曰管子法言篇桓  
其異奈何今之人雙目送飛鴻公在位管仲隰朋見立  
有間有二鴻飛過桓公嘆曰仲父今彼鴻鵠有時而南  
有時而北四方無遠所欲至而至焉也羽翼之故寡人  
有仲父猶飛鴻有羽翼也此詩蓋深嘆今之人無知人  
之鑒卒之無可奈何唯雙目送飛鴻以寄興耳太白負  
才而不用於時豈  
亦有感而作乎

幽澗泉

士贇曰樂府幽澗泉者山水二十四曲之一

拂彼白石彈吾素琴幽澗愀兮流泉深

齊賢曰琴譜有幽澗泉曲

善

手明徽高張清心寂歷似千古松颼颼兮萬尋

士贇曰物理論

曰琴欲高張瑟欲下聲

中見愁猿弔影而危處兮叫秋木而長吟

客有哀時失職而聽者淩淋浪以霑襟乃緝商綴羽潺

湲成音吾但寫聲發情於妙指殊不知此曲之古今幽

澗泉鳴深林

士贇曰此謂澗泉松風之聲猿鳴客愁之狀皆寫於琴聲之中也

王昭君二首

士贇曰樂錄王昭君亦曰王嬙亦曰王明君清商曲七曲之一也按

文選石崇樂府王明君辭序曰王明君者本是  
王昭君以觸晉文帝諱改之匈奴盛請婚於漢  
元帝以後宮良家子昭君配焉昔公主嫁烏孫  
令琵琶馬上作樂以慰其道路之思其送明君  
亦必爾也其造新曲多哀怨之聲故叙之於紙  
云爾張永元嘉技錄相和歌吟嘆四句亦有王  
昭君

漢家秦地月流影照明妃一上玉關道天涯去不歸漢  
月還從東海出明妃西嫁無來日

士贇曰鮑照詩曰君不見城上日今隕沒

盡去明朝復更出今我何時當更然一去永滅入黃泉  
太白是用其意而易其辭謂漢月西沒猶有東升之時  
若明妃之西嫁則燕支長寒雪作花蛾眉憔悴沒胡沙  
無東歸之日矣

生乏黃金枉圖畫死留青塚使人嗟

齊賢曰漢書呼韓單于既死子達立

昭君謂達曰將為漢將為胡曰為胡於是昭君服毒而死單于舉國葬之胡中多白草而此塚獨青

## 其二

昭君拂玉鞍上馬啼紅頰今日漢宮人明朝胡地妾

士贊

曰此二篇蓋借漢事以詠當時公主出嫁異國者

### 中山孺子妾歌

士贊曰漢書藝文志詔賜中山靖王噲及孺子妾冰未央材人

歌詩四篇師古曰孺子王妾之有品號者也妾王之衆妾也冰其名材人天子內官如淳曰孺子者乃幼少稱也太白蓋即其題而賦之也

中山孺子妾持以色見珍雖然不如延年妹亦是當時

絕世人

齊賢曰孺子宮人也士贊曰李延年妹事見陽春歌注

桃李出深井花豔

驚上春一貴復一賤關天豈由身芙蓉老秋霜團扇羞

網塵戚姬髡髮入春市萬古共悲辛

士贊曰漢史呂皇后傳高祖崩呂后為皇

太后令永巷囚戚夫人髡髮鉗衣赭衣令舂戚夫人舂且歌曰子為王母為虜終日舂薄暮常與死為伍相離三千里當誰使告汝太后聞之大怒曰迺欲倚汝子邪迺召趙王使人持鴆飲之遲帝還趙王死太后遂斷夫人手足去眼熏耳飲瘖藥使居廁中名曰人彘

荊州歌

士贊曰樂錄都邑三十四曲有荊州樂又有荊州歌

白帝城邊足風波瞿塘五月誰敢過荊州麥熟鰲成蛾

縹絲憶君頭緒多撥穀飛鳴奈妾何

齊賢曰瞿塘在夔州東一里冬水淺

石屹然露二百餘尺夏水深沒水中十丈其狀如馬舟人不敢進唐志江陵府本荊州南郡有荊門縣撥穀布穀也士贇曰按元和志白帝即夔州城所據與赤平山相接初公孫述殿前井有白龍出因自稱曰白帝更築城名曰白帝城

設辟邪伎鼓吹雉子班曲辭

士贇曰雉子班漢短簫饒歌二十二

曲之一也亦曰鼓吹曲晉曰於穆我皇言武帝也北齊曰聖道治言文宣之德無思不服也後周曰平東夏言高祖擒齊王於青州一舉定山東也

辟邪伎作鼓吹驚雉子班之奏曲成喔咿振迅欲飛鳴

扇錦翼雄風生雙雌同飲啄趨悍誰能爭乍向草中耿

介死不求黃金籠下生

齊賢曰樂書梁三朝樂有車輪折肱伎辟邪伎青紫麗伎潘岳

射雉賦逸羣之雉擅場挾兩注逸羣雉異之雉不但欲擅一場又挾兩雌也

天地至廣大何

惜遂物情善卷讓天子務光亦逃名所貴曠士懷朗然

合太清

齊賢曰莊子曰舜以天下讓善卷善卷曰余立於宇宙之中冬日衣皮毛夏日衣葛絺逍遙於

天地之間而心意自得吾何以天下為哉去而入深山莫知其處淮南子曰太清之始也和順以寂寞注云清靜也太清無為之始者謂三皇之時和順而不逆天暴物寂寞不擾民士贇曰莊子讓王篇湯伐桀克之以讓



務光曰知者謀之武者遂之仁者居之古之道也吾子胡不立乎務光曰廢上非義也殺民非仁也人犯其難我享其利非廉也吾聞之曰非其義者不受其祿無道之世不踐其土况尊我乎吾不忍久見也乃負石自沉於廬水天寶之末爭名者於朝爭利者於市太白此詩其有所諷歟

相逢行

士贇曰王僧虔技錄相和歌清調六曲有相逢狹路行亦曰長安有狹邪行亦

曰相逢行

相逢紅塵內高揖黃金鞭萬戶垂楊裏君家阿那邊

古有所思行

士贇曰王僧虔技錄相和歌瑟調三十八曲內有有所思又漢短簫

鏡歌二十二曲其一曰有所思亦曰嗟佳人註云漢大樂食舉十三曲第七曰有所思漢朝以

此樂  
脩食

我思仙人乃在碧海之東隅  
海寒多天風白波連山倒

蓬壺

士贇曰十洲記扶桑在東海之東岸一萬里復得  
碧海廣狹浩汗與合東岸大碧水既不鹹苦正作

碧色甘香味扶桑在碧海之中地方百里有太上帝  
太真王父所治處地多林木葉皆如桑又有椹子變化  
萬端蓋無所形或有分形為百身十丈者  
長鯨噴湧不可涉撫心茫茫淚如

珠西來有鳥東飛去願寄一書謝麻姑

士贇曰長鯨青鳥見一卷注仙

傳麻姑自與王遠會後即於海州東海衮玉山  
坐化至今有紀異觀奉其肉身觀有女道士焉

久別離

士贇曰樂錄別離十九曲之一

別來幾春未還家玉牕五見櫻桃花況有錦字書開緘

使人嗟

士贇曰錦字是用竇滔妻蘇氏織錦作回文詩贈夫事見織錦回文詩序

至此腸斷

彼心絕雲鬟綠鬢罷梳結愁如回颿亂白雪去年寄書報陽臺今年寄書重相催東風分東風為我吹行雲使西來待來竟不來落花寂寂委青苔

白頭吟

士贇曰樂府白頭吟始於卓文君事見詩內註

錦水東北流波蕩雙鴛鴦雄巢漢宮樹雌弄秦草芳寧

同萬死碎綺翼不忍雲間兩分張

士贇曰錦水即成都錦江橋之水也周經

曰汶江一名流江涇縣南七里蜀守李冰穿二江成都中皆可行舟溉田萬頃蜀中謂流江為笮橋水此水灌錦鮮於他處此時阿嬌正嬌妬獨坐長門愁日暮但願君恩

顧妾深豈惜黃金買詞賦相如作賦得黃金丈夫好新

多異心

齊賢曰漢武故事景帝問兒欲得婦否曰欲得長公主指其女曰阿嬌好否曰若得阿嬌當作

金屋貯之士贊曰司馬長卿長門賦序孝武皇帝陳皇后時得幸頗妬別在長門宮愁悶悲思聞蜀郡成都司馬相如天下工為文奉黃金百斤為相如文君取酒因干解愁愁之辭而相如為文以悟主上皇后復得幸按唐書王廢后傳始后以愛弛不自安乘間泣曰陛下獨不念阿忠脫紫半臂易斗麴為生日湯餅耶帝勃然動容阿忠后呼其父仁皎云繇是久乃廢當時王湮作碧羽帳賦諷帝未幾卒後宮思慕之帝亦悔王湮之賦與

相如事絕類太白  
可謂善於引喻矣  
一朝將聘茂陵女  
文君因贈白頭吟

東流不作西歸水  
落花辭條羞故林

士贊曰西京雜記司馬相如將聘茂

陵女為妾卓文君作白頭吟以自絕曰皚如山上雪皎若雲間月聞君有兩意故來相訣絕又曰今日斗酒會明且溝水頭蹀躞御溝上溝水東西流又曰淒淒復淒淒嫁娶不須啼願得一心人白頭不相離相如感之乃止不聘妾焉  
兔絲固無情  
隨風任傾倒  
誰使女蘿枝  
而來強

紫抱兩草猶一心  
人心不如草

齊賢曰古詩與君為新婚兔絲附女蘿女蘿松

也  
蘿莫捲龍鬚席  
從他生網絲  
且留琥珀枕  
或有夢來時

齊賢曰龍鬚草一名縉雲草世人妄傳如今有虎鬚草江東亦織為席號西王母席西京雜記趙飛燕為皇后

其女弟在昭陽殿遺后覆水再收豈滿杯棄妾已去難  
三十五條內有琥珀枕

重迴古來得意不相負祇今惟見青陵臺

齊賢曰戰國韓憑為宋康

王舍人妻何氏美王欲之使舍人築青陵臺何作詩曰

南山有鳥北山張羅鳥自高飛羅當奈何又烏鵲雙飛

不樂鳳凰妾是庶人不樂宗王遂自縊韓亦死王怒埋

之宿夕木生墳有鴛鴦栖其上音聲感人化為蝴蝶臺

在開封府士贊曰王褒頌曰其得意如此此詩其為明

皇寵武妃廢皇后而作乎其事詳見二卷註唐詩人多

引春秋為魯諱之義以漢武比明皇中間比義引事讀

者自見蓋王皇后乃元宗為臨淄王時所聘龍鬚席則

晉東宮事意有在矣琥珀枕則皇后事意謂一枕遊仙

之時夢中或者相遇否則無再合之期矣辭悅意悲國

風好色而不淫小雅怨

誹而不亂是詩得之矣

其二

士贇曰按此篇出入前篇語意多同或謂初本云

錦水東流碧波蕩雙鴛鴦雄巢漢宮樹雌弄秦草芳相  
如去蜀謁武帝赤車駟馬生輝光一朝再覽大人作萬  
乘忽欲凌雲翔聞道阿嬌失恩寵千金買賦要君王

齊賢

曰史記司馬相如蜀郡成都人蜀人揚得意為狗監侍  
上上讀子虛賦而苦之曰朕獨不得與此人同時哉得  
意曰臣邑人司馬相如自言為此賦上驚召問相如相  
如曰有是然此乃諸侯之事未足觀也請為天子遊獵  
賦賦成奏之天子以為郎天子既美子虛之事相如見  
上好神仙因曰上林之事未足美也因奏大人頌天子  
乃悅飄飄有凌雲氣游天地之間意士贇曰司馬相如  
傳相如遊獵賦成奏之天子以為郎後通邛笮乃拜相

如為中郎將建節往使馳四乘之傳因已蜀幣物以賂西南夷至蜀太守以下郊迎縣令負弩矢先驅蜀人以為寵於是卓王孫臨叩諸公皆因門下獻牛酒以交驩卓王孫喟然而嘆自以得使女尚司馬長卿晚乃厚分與其女財與男等初相如往京師過蜀郡升仙橋題其柱曰不乘駟馬車不復過此橋相如不憶

貧賤日位高金多聘私室茂陵妹子皆見求文君歡愛

從此畢淚如雙泉水行隋紫羅襟五更雞三唱清晨白

頭吟長吁不整綠雲鬢仰訴青天哀怨深城崩杞梁妻

誰道土無心東流不作西歸水落花辭枝羞故林

士贊曰司

馬相如傳相如客游梁歸而家貧無以自樂後於臨叩通車文君夜亡奔相如與馳歸成都家徒四壁立乃與



文君之臨邛賣酒市中車王孫恥之不得已分與文君  
僮百人錢百萬及其嫁時衣被財物文君乃與歸成都  
為富人五起者五更而起頭上玉燕釵是妾嫁時物贈  
也漢書曰雞三號天平明

君表相思羅袖幸時拂莫捲龍鬚席從他生網絲且留  
琥珀枕還有夢來時鸛鵲裘在錦屏上自君一掛無由  
披妾有秦樓鏡照心勝照井願持照新人雙對可憐影  
覆水却收不滿杯相如還謝文君迴古來得意不相負

祇今惟有青陵臺

齊賢曰趙后妹名合德有紫玉九雛  
釵西京雜記相如居貧愁悲以所著

鸛鵲裘就市人楊昌貴酒淮南子注鸛鵲長脰綠色其  
形似鷹一曰鳳凰之別名也秦女弄玉吹簫樓上得仙

故曰秦樓士贊曰西京雜記高祖初入咸陽宮府庫珍寶尤異者有方鏡廣四尺高五尺九寸表裏有明人直來照之影則倒見以手捫心而來則見腸胃九藏歷然無碍人疾病在內則掩心而照之則知病之所在女子有邪心則膽張心動秦始皇嘗以照宮人膽張心動者殺之

採蓮曲

齊賢曰秦州唱採蓮歌齊景公造採蓮舟令宮人采女撐之士贊曰樂錄草木

二十四曲內  
有採蓮曲

若耶谿傍採蓮女笑隔荷花共人語日照新粧水底明

風飄香袂空中舉

齊賢曰樂書採蓮之舞衣紅繪短袖  
鞞裙雲鬟髻乘綵船持花士贊曰若

耶溪在會稽縣東南北  
流二十五里與鏡湖合

岸上誰家遊冶郎三三五五映

垂楊紫騮嘶入落花去見此踟躕空斷腸

臨江王節士歌

士贊曰樂府遊俠曲二十一中  
有臨江王節士歌

洞庭白波木葉稀燕鴻始入吳雲飛吳雲寒燕鴻苦風

號沙宿瀟湘浦

士贊曰月令仲秋鴻鴈來圖經湘水自陽海發源至零陵而營水會之二水合

流謂之瀟湘瀟湘者水清深之名也節士悲秋淚如雨白日當天心照之

可以事明主壯士憤雄風生安得倚天劍跨海斬長鯨

齊賢曰臨江節士史失其名唯古樂府載送陸厥臨江王節士歌曰節士慷慨髮上衝冠彎弓掛若木長劍竦

雲端士贊曰韓詩外傳壯士悲秋感陰氣也

司馬將軍歌

士贇曰樂府遺聲征伐五曲內有司馬將軍歌

狂風吹古月竊弄章華臺北落明星動光彩南征猛將

如雲雷手中電擊倚天劍直斬長鯨海水開

齊賢曰九域志章華

臺在江陵府左傳楚子成章華之臺甘氏星經曰北落門師一星在羽林軍西南星明而角則軍安寧小暗則天下兵起士贇曰意此時必有盜弄兵於荆楚者故朝廷遣兵平之也我見樓船壯心目

頗似龍驤下三蜀揚兵習戰張虎旗江中白浪如銀屋

齊賢曰穀梁曰出曰治兵習戰也八曰振旅習戰也周禮司常建九旗以待國事熊虎為旗鳥隼為旗龜蛇為旐士贇曰爾雅釋名熊虎為旗將軍所建象其猛如熊虎也身居玉帳臨河魁紫髯

若戟冠崔嵬細柳開營揖天子始知灞上為嬰孩

齊賢曰唐

藝文志有玉帳經大將軍有此河魁在九星為文曲漢文六年匈奴大入以劉禮軍灞上徐厲軍棘門周亞夫軍細柳以備胡上自勞軍至灞上及棘門直馳入將以下騎出入迎送已而之細柳先驅至不得入軍門都尉曰軍中聞將軍之令不聞天子詔有頃上至不得入使使持節詔將軍曰我欲勞軍亞夫乃傳言開壁門士謂車騎曰將軍約軍中不得馳驅天子乃按轡徐行至中營亞夫揖曰介冑之士不拜請以軍禮見天子為動改容式車使人稱謝曰皇帝敬勞將軍成禮而去既出軍門羣臣大驚帝曰嗟乎此真將軍矣鄉者灞上棘門如兒戲

羌笛橫吹阿鞞迴向月樓中吹落梅將軍自起舞

長劒壯士呼聲動九垓

士贇曰樂錄鼓角橫吹十五曲內有梅花落注云胡笳曲也阿

彈迴亦功成獻凱見明主丹青畫像麒麟臺

齊賢曰周官大司樂

王師大獻則令奏凱樂樂師凡軍大獻教凱歌司馬法曰得意則愷樂所以示喜也漢宣帝甘露三年思中興功臣乃圖畫其人於麒麟閣法其象貌題其官爵姓名凡十一人

### 君道曲

士贇曰太白自註云梁之雅歌有五篇今作一章

大君若天覆廣運無不至軒后爪牙常先太山稽如心之使臂小白鴻翼於夷吾劉葛魚水本無二土校可成

牆積德為厚地

士贇曰軒后黃帝也常先太山稽黃帝之將相小白夷吾劉葛事並見前卷

### 結襪子

齊賢曰古樂府曰結襪子大抵言感恩重而以命相許也士贇曰樂府遺聲遊

俠二十一曲  
中有結襪子

燕南壯士吳門豪筑中置鉛魚隱刀感君恩重許君命

太山一擲輕鴻毛

齊賢曰史燕世家秦滅燕荆軻之客皆亡高漸離變姓名為人傭保匿作

於宋久之乃出其筑與其善衣擊筑而歌客無不流涕聞於秦始皇召見人有識者曰高漸離也始皇惜其善擊筑重赦之乃矐其目使擊筑稍益近之高漸離乃以鉛置筑中復進得近舉筑扑秦皇帝不中於是遂誅高漸離應劭曰筑狀似琴而大頭安絃以竹擊之

結客少年場行

士贇曰樂府遺聲遊俠二十一曲中有結客少年場註云取曹

植詩結客少年場報怨洛北邙為題始自鮑照文選李善註云范曄後漢書曰祭遵為吏部所

侵結客報之也李周翰曰言少年時結任俠之客為游樂之場終而無成故有斯作也今太白

之詩全祖此意

紫燕黃金瞳啾啾搖綠髮平明相馳逐結客洛門東士賈

曰紫燕古駿馬名

少年學劍術凌轢白猿公珠袍曳錦帶匕首

插吳鴻由來萬夫勇挾此生雄風

齊賢曰越有處女能劍術越王聘之處女

將比見王道逢老翁自稱猿公曰吾聞子善劍術隨一觀之處女曰惟公試之猿公即跳於竹林槁折墮地處

女即接末猿公操木刺處女女應節入三人因舉枝擊之猿公飛上樹化為白猿而去士賈曰珠袍凡俠客皆

有之亦服制如此吳託交從劇孟買醉入新豐笑盡一鴻鈞名事見三卷註



杯酒殺人都市中

士贇曰劇孟事見三卷註

羞道易水寒從今日貫

虹燕丹事不立虛沒秦帝宮舞陽死灰人安可與成功

士贇曰烈士傳曰荆軻發後太子自相氣見虹貫日不徹曰吾事不成矣後聞荆軻死事不立曰吾知其然也燕丹子曰荆軻與秦舞陽入秦秦王陞戟而見燕使既鼓鐘並發武陽大恐面如死灰色荆軻刺秦王事見前卷註可互觀之

長干行

士贇曰樂府遺聲都邑三十四曲中有長干行長干地名也圖經長干里去上

元縣  
五里

妾髮初覆額折花門前劇郎騎竹馬來遶床弄青梅同

居長千里兩小無嫌猜

齊賢曰吳都賦注江東謂山岡間為千建鄴之南有山其間平地吏

民居之號為千中有大長千小長千皆相屬

十四為君婦羞顏未嘗開低頭

向暗壁千喚不一迴十五始展眉願同塵與灰常存抱

柱信豈上望夫臺

齊賢曰望夫臺在忠州南十里士贇曰莊子盜跖篇尾生與女子期於梁

下女子不來水至不去抱橋柱而死

十六君遠行瞿塘灩澦堆五月不可

觸猿聲天上哀

士贇曰圖經瞿塘峽在夔州東一里舊名西陵峽瞿塘乃三峽之門兩崖對峙

中貫一江望之如門灩澦堆在瞿塘峽蜀江之心灩澦堆土人云灩澦大如象瞿塘不可上灩澦大如馬瞿塘不可

下人以此為水候蓋五月水漲時不可行船也

門前遲行跡一一生綠苔苔深

不能掃落葉秋風早八月胡蝶來雙飛西園草感此傷  
妾心坐愁紅顏老早晚上三巴預將書報家相迎不道  
遠直至長風沙齊賢曰渝州記閬白二水東西流三曲  
如巴字是為三巴又以永寧為巴郡同  
陵為巴東徒麗義為巴西謂之三  
巴長風沙隸池州蓋江行地名也

其二

士贇曰宋山谷先生黃魯直云太白集中  
長千行二篇妾髮初覆額真太白作也憶

妾深閨裏李益尚書作也所謂癡和尚書李十  
郎者也詞意亦清麗可喜亂之太白詩中亦不  
甚遠大儒曾子固刊定亦不能別也太白豪放  
人中鳳凰麒麟譬如生富貴人雖醉看暝暗吟  
藝中作無義語終不作寒乞聲耳今太白詩中  
不入他人作者畧有十之二三欲刪正者當用

吾言考之今按吟藝字出列子註  
云夢寐中語也嗙吾南切藝音詣

憶妾深閨裏煙塵不曾識嫁與長干人沙頭候風色五

月南風興思君下巴陵八月西風起想君發揚子

齊賢曰九

域志岳州巴陵郡治巴陵縣洞庭與沅江會于岳陽樓  
前東下鄂渚以趨于揚子揚子縣真州所治舊為揚州  
東貞縣去來悲如何見少離別多湘潭幾日到妾夢越風

波昨夜狂風度吹折江頭樹森森暗無邊行人在何處

齊賢曰湘潭縣在  
潭州南九十里

好乘浮雲驄佳期蘭渚東鴛鴦綠蒲

上翡翠錦屏中自憐十五餘顏色桃花紅那作商人婦

愁水復愁風

齊賢曰說文弱赤雀翠青雀也

古朗月行

士贇曰樂府遺聲時景二十五曲中有明月篇

小時不識月呼作白玉盤又疑瑤臺鏡飛在白雲端仙

人垂兩足桂樹作團團白兔搗藥成問言誰與餐

士贇曰太

平御覽虞喜安論俗傳月中仙人桂樹今視其初生見  
仙人之足漸已成形桂樹後生焉傳玄擬天問月中何

有白兔

蟾蜍蝕圓影大明夜已殘羿昔落九烏天人清

且安

齊賢曰淮南子曰堯時十日並出堯命羿仰射十  
日中其九日日中九烏皆死士贇曰蟾蜍蝕月見

一卷註李善曰大明月也言月將夕也

陰精此淪惑去去不足觀憂來其

如何悽愴推心肝

士贇曰按此詩借月以引興日君象月臣象蓋為安祿山之叛兆於貴妃

而作也玄宗自天寶後內嬖貴妃妃復私祿山傾動天下祿山叛帝幸蜀至馬嵬陳玄禮等以天下計誅國忠國忠死兵不解帝使力士問故荅曰禍本尚在不得已與妃訣引去繼祠下此即所謂蟾蜍蝕圓影大明夜已殘也至於羿昔落九烏天人清且安蓋天無二日民無二王之義謂時無能誅祿山之人掃清國步也陰精此淪感去去不足觀者謂貴妃以淫亂召禍言之恥也固不足觀矣然天下由此而亂乃白之所深憂而心肝為之摧也其忠憤之意溢於辭外亦哀而不傷者歟

上之回

士贇曰漢帝元封初因至雍遂通回中道後數遊幸焉其歌稱帝遊石闕望諸

國月支臣匈奴服蓋誇時事也魏曰克官渡言曹公破袁紹於官渡也吳曰烏林言周瑜破魏

武於烏林也晉曰宣輔政言宣帝之業也梁曰  
道亡言東昏失道義師起樊鄧也北齊曰珍閭  
隴言神武遣侯莫陳悅誅賀拔岳定關隴  
也後周曰平竇泰言太祖討平竇泰也

三十六離宮樓臺與天通閣道步行月美人愁煙空

齊賢

曰西都賦離宮別館三十六所

恩踈寵不及桃李傷春風淫樂意何極

金輿向回中

士贇曰括地志云秦回中宮在岐州雍縣西四十里

萬乘出黃道千

旗揚彩虹前軍細柳北後騎甘泉東

齊賢曰天子曰萬乘日行黃道言人

君動法於日也士贇曰秦之林光宮漢之甘泉在雍州雲陽西北八十里秦始皇作甘泉宮去長安三百里望見長安秦皇帝以來祭天屯兵處  
豈問渭川老寧邀襄野童但慕瑤池

宴歸來樂未窮

齊賢曰渭川老呂望也士贇曰此詩言秦皇漢武之幸回中者不過溺志於神

仙之事而已豈知求賢哉時明

皇亦好神仙其諷諫之作歟

獨不見

士贇曰樂府遺聲怨思二十五曲中有獨不見

白馬誰家子黃龍邊塞兒

齊賢曰契丹有黃龍府

天山三大雪豈

是遠行時

齊賢曰漢西域傳天山冬夏常有雪

春蕙忽秋草莎雞鳴西池

風摧寒樓響月入霜閨悲

齊賢曰莎雞即今紡緯促織也樓木名祖叢切

憶與

君別年種桃齊蛾眉桃今百餘尺花落成枯枝終然獨

不見流淚空自知



白紵辭

士贊曰白紵歌有白紵舞白龜歌有白龜舞並吳人之歌舞也吳地出紵又江

鄉水國自多龜鶩故興其所見以寓意焉始則田野之作後乃大樂氏用焉其音入清商調故清商七曲有子夜者即白紵也在吳歌為白紵在雅歌為子夜梁武令沈約更制其辭焉

揚清歌發皓齒北方佳人東鄰子且吟白紵停綠水長

袖拂面為君起寒雲夜捲霜海空胡風吹天飄塞鴻玉

顏滿堂樂未終館娃日落歌吹濛

士贊曰郡縣志靈巖山在平江府城西二

十四里吳王之別苑在焉有館娃宮琴臺響屧廊西施洞太白此詞全篇句意間架並是擬鮑明遠者今錄鮑辭于后可參看之朱唇動素袖舉洛陽少年邯鄲女古稱綠水今白紵催弦急管為君舞窮秋九月荷葉黃北

風驅鴈天雨霜夜長酒多樂未央杜少陵所謂俊逸鮑參軍者其此之謂歟

其二

月寒江清夜沈沈美人一笑千黃金

齊賢曰鮑照白紵曲曰千金顧笑買

芳年垂羅舞榭揚哀音郢中白雪且莫吟

齊賢曰鮑照詩月愧垂露羅

子夜吳歌動君心動君心冀君賞願作天池雙鴛鴦一朝飛去青雲上

其三

吳刀剪綵縫舞衣明妝麗服奪春暉揚眉轉袖若雪飛

傾城獨立世所稀

齊賢曰古今注吳大帝有寶刀三一曰百鍊二曰青犢三曰漏影長安有

狹邪行麗服鮮芳春短歌曰蘋以春暉士贇曰鮑照

白紵舞歌辭吳刀楚製為佩褱傾城獨立見前註

楚結風醉忘歸高堂月落燭已微玉釵掛纓君莫違

士贇

曰激楚清聲也鮑照白紵辭車高馬煩客忘歸按此三篇句意字面皆與明遠詩相出入豈此曲體製當如是邪抑擬之而作也會有知言者矣

鳴鴈行

士贇曰樂府遺聲鳥獸二十一曲中有鳴鴈行

胡鴈鳴辭燕山昨發委羽朝度關

士贇曰淮南子曰北

誘曰委羽山名也在北極之陰不見日也一一銜蘆枝南飛散落天地間連

行接翼往復還

士贊曰說文岱山高峻鳥飛不越惟有  
一缺門鴈來往向此缺中過人號曰鴈

門山出鴈鴈過鴈多捉而食之鴈欲過皆相待兩兩相  
隨口中銜蘆一枝然後過缺中鴈見蘆懼之不敢捉

客居煙波寄湘吳凌霜觸雪毛體枯畏逢矰繳驚相呼

聞弦虛墜良可吁君更彈射何為乎

齊賢曰周禮矰矢  
也鄭康成曰結繳

於矢謂之矰說文曰繳生絲縷也士贊曰戰國策更羸  
與魏王處於簾下有鴈雙飛東方更羸虛發而鴈下魏  
王曰射可至此乎更羸曰其飛徐其鳴悲徐其瘡痛也  
鳴悲者久失羣也故痛未息驚心未去故聞弦音而下  
崔豹古今注鴈自河北渡江南瘦瘠能高飛不畏矰繳  
江南沃饒每至還河北體肥不能高飛恐為虞人所獲  
常銜長蘆可數寸以防矰繳矰音曾繳音酌周禮毋得  
春夏探卵彈射飛鳥按此詩其太白遭難避禍而作觀

其辭亦可哀矣

妾薄命

士贇曰樂府佳麗四十七曲中有妾薄命亦曰惟日月太白則為漢武廢后陳

皇后而作末章詩句則有所感寓也

漢帝寵阿嬌貯之黃金屋咳唾落九天隨風生珠玉

士贇

曰阿嬌陳皇后小名事見前註

寵極愛還歇妬深情却踈長門一步地

不肯暫迴車

士贇曰陳皇后擅寵嬌貴聞衛子夫得幸幾死者數焉後罷退歸長門宮

雨落

不上天水覆難再收君情與妾意各自東西流昔日笑

蓉花今成斷根草以色事他人能得幾時好

齊賢曰說苑曰安陵

纏寵於楚共王江乙謂纏曰以財事人者財盡則交絕以色事人者華落則愛衰子安得長被幸乎士贇曰太白之詩其旨出於國風往往寄興深遠欲言時事則借古喻今此詩雖言漢武之事而意則實在於明皇王后也二后事迹前後一轍雖各以無子巫蠱厭勝廢然究其所原實衛子夫武惠妃爭寵有以激之也陳后之廢相如作長門賦王后之廢王諲作翠羽帳賦冀以諷帝而夫婦之天卒莫能回太白此詩其作於翠羽帳賦之後乎不然何以有雨落不上天水覆難再收君情與妾意各自東西流之語哉辭意悽慘讀之令人感歎

### 幽州胡馬客歌

幽州胡馬客綠眼虎皮冠

士贇曰唐書地理志幽州范陽郡本涿郡天寶元年更名

笑拂兩隻箭萬人不可干彎弓若轉月白鴈落雲端雙

雙掉鞭行遊獵向樓蘭

齊賢曰樓蘭國後改為鄯善治杆泥城去長安六千一百里

出門不顧後報國死何難天驕五單于狼戾好充殘

齊賢

曰神爵中呼韓邪單于使人告右賢貴人令殺右賢王都隆奇因與右賢王共立日逐王為屠耆單于發兵擊呼韓邪呼韓邪敗走屠耆信讒殺右賢王父子於是呼揭王恐遂畔去自立為呼揚單于右與韃王聞之即自立為車犁單于烏籍都尉亦牛馬散北海割鮮若虎餐自立為烏籍單于凡五單于

士贇曰漢匈奴傳匈奴居于北邊隨草畜牧而轉移其畜之所多則牛馬羊北海即瀚海也雖居燕

支山不道朔雪寒婦女馬上笑顏如頰玉盤

士贇曰燕支山契丹

之境翻飛射鳥獸花月醉雕鞍旄頭四光芒爭戰若蜂攢

齊賢曰旄頭胡星也  
蜂攢猶蜂之聚叢也  
白刃灑赤血流沙為之丹名將古

誰是疲兵良可嘆

齊賢曰魏太武分四道出西域一自玉門流沙西行至鄯善一自玉門度

流沙北行至車師自鄯善西至且末七百里而  
遙且末國有大流沙數百里則流沙非一地矣  
何時天

狼滅父子得閒安

士贇曰史天官書參東有大星曰狼  
狼角變色多盜賊下有四星曰弧直

狼正義曰狼一星參東南為野將主侵掠占非其處則  
人相食色黃白而明吉赤角兵起金木火守亦如之弧  
九星在狼東南天之弓也以伐叛懷遠又主備賊之知  
姦邪者弧矢向狼動移多盜明大變色亦如之矢不直  
狼又多盜引滿  
則天下盡兵也

李太白集分類補註卷四



謹案卷三第二頁前五行湘水出靜江府興安縣  
陽海山刊本陽海訛海陽據漢書地理志及水  
經注改又至德二載更名刊本二訛三據唐書  
地理志改

第二頁前六行湘水自陽海下全州刊本湘字上  
訛衍則漢二字今刪

第四頁後六行秦因使張儀司馬錯引兵刊本錯  
訛諸據戰國策改

第五頁後二行但見悲鳥號古今刊本鳥訛鳥又  
雄飛鵙從繞林間刊本鵙從訛從鵙據全唐詩  
改

第八頁後六行生入謁刊本入謁訛又謂據史記  
酈生傳改

第十頁前五行而輕我如鴻毛刊本我訛食據本  
詩正文改

第十頁後四行因作此歌刊本作此訛此作據舊

唐書樂志及古詩紀改

第二十二頁前四行吾始困時刊本脫時字據史  
記增

第二十二頁前五行知時有利不利也刊本時上  
衍我字據史記刪

第二十五頁後五行鳩者不噎之鳥也刊本噎訛  
咽據後漢禮儀志注改

第二十七頁前二行越絕書刊本訛吳越春秋檢

金匱要略卷之四  
吳越春秋無此文據越絕書記寶劍篇改

第二十七頁前三行越王取純鉤示之刊本越訛  
吳又燭揚其華粹如芙蓉始生刊本燭揚其華  
訛作薛曰光乎據越絕書記寶劍篇改

第二十八頁後五行為鉤者衆而子獨求賞刊本  
子訛不據吳越春秋閭閻內傳改

第二十九頁前六行願枉車騎過之刊本枉訛在  
據史記信陵君列傳改

卷四第一頁後八行獨獨祿祿按古詩紀作獨祿  
獨祿此從晉書樂志

第二頁前二行夜衣錦繡刊本衣訛求據古詩紀  
改

第二頁前八行如浮花浪蕊刊本蕊訛藥據蘇子  
由藥城集改

第十頁後一行積水為渚刊本渚訛陣又今謂之  
九谷刊本九訛凡據新校正水經渭水注改

第十一頁後一行石崇樂府刊本崇訛嶺據文選  
改

第十六頁前三行皚如山上雪刊本訛作曉如山  
下雲又聞君有兩意刊本聞君訛良人又故來  
相決絕刊本來訛與絕訛別又今日丰酒會刊  
本會訛間並據文選及古詩紀改

第十六頁前四行蹂躪御溝上刊本御溝訛作溝  
水據文選及古詩紀改

第十九頁前四行湘水自陽海發源刊本源訛泝

據水經注改

第二十頁前六行皇帝敬勞將軍刊本敬訛來據  
史紀及漢書改

第二十七頁前二行長安有狹邪行刊本狹訛狄  
據古今注改

第二十七頁前四行句意字面刊本句訛可面訛  
固今並改

第二十九頁前四行屠者信讒殺右賢王父子刊  
本父子下複衍父子二字據漢書匈奴傳刪

第二十九頁前五行烏籍都尉刊本脫尉字據漢書  
匈奴傳增又六行北海即瀚海也刊本瀚訛上  
今改



總校官候補中書臣吳紹灏  
校對官中書臣王家賓

謄錄監生臣徐錫福

謄錄監生臣章玉植

欽定四庫全書薈要

集部

李太白集分類補註卷五

六

詳校官助教臣常循



李太白集分類補註卷五

宋 楊齊賢 集註

元 蕭士贇 補註

  
樂府

門有車馬客行

僧虔技錄相和歌琴  
調三十八曲有此行

門有車馬賓金鞍耀朱輪謂從丹霄落乃是故鄉親呼  
兒掃中堂坐客論悲辛對酒兩不飲停觴淚盈巾嘆我

萬里遊飄飄三十春空談帝王略紫綬不掛身雄劍藏

玉匣陰符生素塵

士贊曰雄劍見二卷註陰符經太公所著

廓落無所合流

離湘水濱借問宗黨間多為泉下人

齊賢曰爾雅宗族有母黨妻黨

生

苦百戰役死託萬鬼鄰

士贊曰山海經云東海中蟠桃其甲枝間曰東北鬼門萬鬼出

也北風揚胡沙埋翳周與秦大運且如此蒼穹寧匪仁

惻愴竟何道存亡任大鈞

士贊曰周秦者東西二都也如淳曰陶者作器於鈞上此

以造化為大鈞陸機門有車馬客行云門有車馬客駕言發故鄉念君久不歸濡迹涉江湘投袂赴門壑攬衣不及裳拊膺攜客泣掩淚叙溫涼借問邦族間惻愴論存亡親友多零落舊齒皆凋喪市朝互遷易城闕成丘

荒墳壠日月多松栢蔚芒芒天道信崇替人生安得長  
慷慨惟平生俛仰獨悲傷太白此詩與陸機詩相出入  
故全錄

君子有所思行

齊賢曰樂府君子有所思言雕室麗色不足為久惟宴安滿盈

所宜敬忌士贇曰王僧虔技錄君子有所思行相和歌瑟調三十八曲之一也

紫閣連終南青冥天倪色憑崖望咸陽宮闕羅北極

齊賢

曰南山終南也咸陽縣在京兆府西四十里秦漢隋唐所都士贇曰晉天文志中宮北極五星勾陳六星皆在紫宮中萬井驚畫出九衢如絃直渭水銀河清橫天流不

息

齊賢曰漢宮闕疏曰長安立九市六在道西三在道東

朝野盛文物衣冠何翕

絕士贊曰文中子曰大哉廢馬散連山軍容威絕域齊賢

中國衣冠之所自出也

曰唐天子之御左右六閑為二廢一曰祥麟二曰鳳苑以繫飼之其後禁中又增置飛龍廢以張萬歲領羣牧自貞觀至麟德四十年間馬七十六萬六千置八方四十八監唐兵制天下十道置府六百三十四以處兵外有南衙北衙禁軍伊臯運元化衛霍輸筋力歌鐘樂未休榮去

老還逼圓光過滿缺太陽移中昃不散東海金何曾西

飛匿

士贊曰伊尹臯陶衛青霍去病也

無作牛山悲惻愴淚沾臆

士贊曰齊

景公悲牛山事見二卷註唐至於天寶盛之極矣此詩乃戒滿盈之作也可謂憂深思遠者矣

東海有勇婦

士贊曰樂府正聲漢鞞舞歌五曲有關中有賢女魏曰明明魏皇晉

曰洪  
紫篇

梁山感杞妻痛哭為之傾金石忽暫開都由激深情士

贊

曰劉向說苑齊莊公且伐莒為車五乘之賓而杞梁華  
周獨不與焉故歸而不食其母曰汝生而無義死而無  
名則雖非五乘孰不汝笑也汝生而有義死而有名則  
五乘之賓盡汝下也趣食乃行杞梁華周同車侍於莊  
公而行至莒莒人逆之杞梁華周下關獲甲首三百莊  
公止之曰子止與子同齊國杞梁華周曰君為五乘之  
賓而梁不與焉是少吾勇也臨敵涉難止我以利是污  
吾行也深入多殺者臣之事也齊國之利非吾所知也  
遂進關壞軍陷陣三軍不敢當至莒城下莒人以炭置  
地二人立有間不能入隰侯重為右曰吾聞古之士犯  
患涉難者其去遂於物也來吾踰子隰侯重杖楯伏炭  
二子乘而入顧而哭之華周後息杞梁曰汝無勇乎何

哭之久也華周曰吾豈無勇哉是其勇與我同也而先  
吾死是以哀之莒人曰子母死與子同莒國杞梁華周  
曰去國歸敵非忠臣也去長受賜非正行也且雞鳴而  
期日中而忘之非信也深入多殺者臣之事也莒國之  
利非吾所知也遂進闕殺二十七人而死其妻聞之而  
哭城為之弛而隅為之崩此非所以起也又崔豹古今  
注樂府杞梁妻者杞殖妻妹朝日所作也殖戰死妻曰  
上則無父中則無夫下則無子人生之苦至矣乃抗聲  
長哭杞都城感之而頽遂投水而死其妹悲姊之貞操  
乃作歌名曰杞梁妻焉梁殖字也劉向新序楚熊渠夜行  
見寢石以為伏虎聞弓射之滅矢飲羽下視知石也却  
復射之矢摧無迹熊渠子見其誠心而金石為之開况  
乎人心

東海有勇婦何慙蘇子卿學劍越處子超然若流  
星捐軀報夫讎萬死不顧生白刃耀素雪蒼天感精誠



十步兩躍躍三呼一交兵斬首掉國門蹴踏五藏行豁

此伉儷憤粲然大義明

士贊曰蘇子卿全節歸漢處子學劍見前卷註左傳註伉儷也

儷偶也北海李史君飛章奏天庭捨罪警風俗流芳播滄

瀛名在列女籍竹帛已光榮淳于免詔獄漢主為緹縈

津妾一棹歌脫父於嚴刑十子若不肖不如一女英

士贊

曰漢刑法志孝文時太倉令淳于公有罪當刑詔獄逮繫長安淳于公無男有五女當行會逮乃罵女生子不生男緩急非有益其少女緹縈自傷悲泣乃隨其父至長安上書願沒入為官婢以贖父刑罪使得自新天子悲憐其意遂詔除肉刑具為令列女傳趙津女涓者趙河津吏之女也初趙簡子南擊楚津吏醉卧不能渡簡

子召欲殺之津吏女子持楫而前曰妾父聞君來渡不測之水恐風波之起故禱九江三淮之神不勝至祝杯酌餘瀝醉至於此妾願以鄙軀易父之死簡子將渡少一人涓乃攘袂操楫而請簡子許之遂與渡中流為簡子發河激之歌其詞曰升彼阿兮面觀清水揚波兮杳冥冥禱求福兮醉不醒誅將加兮妾心驚罰既釋兮漬乃清妾持楫兮操其維蛟龍助兮主將歸呼來棹兮行勿疑簡子大悅以為夫人

豫讓斬空衣

有心竟無成

齊賢曰史刺客傳豫讓者晉人事智伯甚尊寵之及智伯伐趙襄子與韓魏合謀滅

智伯而三分其地漆智伯頭以為飲器豫讓遁逃山中曰必為報仇而死乃變姓名為刑人入宮塗廁挾匕首欲以刺襄子襄子如廁心動執問之豫讓持刀謂曰欲為智伯報仇左右欲誅之襄子曰彼義人也釋去之居頃讓又漆身為癩吞炭為啞行乞於市襄子當出豫讓伏於所過橋下襄子至橋馬驚襄子使人問之豫讓也

於是使兵圍之讓曰今日之事臣固伏誅然願請君之衣而擊之以致報仇之意則雖死不恨於是襄子大義之乃使使持衣與豫讓讓拔劍三躍而擊之曰吾可以報智伯矣遂拔劍自殺死之日趙國志士聞之皆為涕泣要離殺慶忌壯夫所素輕妻子亦何辜焚之買虛聲

豈如東海婦事立獨揚名

齊賢曰通鑑外紀曰吳王僚子慶忌居衛養士欲報仇闔

廬患之子胥薦要離要離曰請君罪以逐臣殺臣妻子焚之往投必得近而圖之闔廬從其謀要離奔衛有間與慶忌涉江中流因風勢抽戈擊慶忌力薄不制慶忌梓而投之江浮則又取而殺之如是者三慶忌曰舍妻子為君忠也得來近吾謀也弱力敢加兵於吾勇也赦之闔廬將厚賞之曰殺妻子以便事不仁為故主殺新主不義梓而三入三出於江臣已辱矣伏劍而死

黃葛篇

士贊曰樂府遺聲草木  
二十一曲中有種葛篇

黃葛生洛溪黃花自綿幕青煙蔓長條繚繞幾百尺閨

人費素手採緝作絺綌

齊賢曰詩葛之覃兮施于中谷  
維葉莫莫是刈是穫為絺為綌

服之無斃即此意精為絺粗為綌士贊曰女在父母之家未知將所適故習以絺綌煩縟之事乃能整治之無厭倦是其縫為絕國衣遠寄日南客蒼梧大火落暑服性貞專

莫輕擲此物雖過時是妾手中迹

士贊曰師古曰遠絕之國謂聲教之外詩

七月流火註曰大火者寒暑之候火星中而寒暑退故將言寒先著火所在前漢律厯志大火初氐五度寒露中房五度霜降終於尾九度唐地理志嶺南道有驩州日南郡梧州蒼梧郡太白此詩忠厚之意發於情性風

雅之作也今由蚍蜉輩作詩評乃謂太白詩全無關於人倫風教吁是亦未之思耳

# 白馬篇

士墳曰歌錄曰白馬篇齊瑟行也

## 龍馬花雪毛金鞍五陵豪

齊賢曰周官馬八尺以上為龍師古謂長安安陵陽陵茂

陵平陵此為五陵而霸杜皆不與士墳曰漢書曰宣帝葬杜陵文帝葬霸陵高帝葬長陵惠帝葬安陵景帝葬陽陵武帝葬茂陵昭帝葬平陵良曰杜陵霸陵在南餘五陵皆在北故曰五陵漢書曰徙吏三千石高訾富人及豪傑兼并之家於諸陵蓋亦秋霜切玉劍落日明珠以強幹弱枝非獨為奉山園也

袍齊賢曰王子年拾遺記曰越勾踐以白牛馬祠昆吾山之神以其山赤金成八紐一曰掩日二轉魄三斷

水四懸剪五驚鯢六滅魄七却邪八貞剛以切玉斷金如刻削土木士贊曰東方朔十洲記周穆王時西

湖獻昆吾刀長鬪雞事萬乘軒蓋一何高弓摧南山虎  
一尺切玉如泥

手接太行孫

士贇曰鬪雞及萬乘事並見二卷註

酒後競風采三杯弄寶

刀殺人如剪草劇孟同遊遨發憤去函谷從軍向臨洮

叱咤萬戰場匈奴盡奔逃

齊賢曰唐志隴西道洮州臨洮郡治臨洮縣今為西和州

築長城起臨洮今在州西二十里由空峒山傍洮水東

歸來使酒氣未肯拜蕭曹

齊賢曰季布傳人言其勇使酒難近士贇曰蕭曹蕭何曹參皆漢相國

羞入原憲室荒淫隱

蓬蒿

士贇曰原憲字子思孔子卒原憲亡在草澤中子貢相衛而結駟連騎排藜藿入窮閭過謝原憲憲

攝敝衣冠見子貢子貢恥之曰夫子宜病夫原憲曰吾聞之無財者謂之貧學道而不能行者謂之病憲貧也

非病也子貢慚不懌而去終身恥其言之過也此詩  
寓貶於褒寄揚於抑深得國風之旨讀者宜細味之

### 鳳笙篇

士贊曰樂府遺聲歌鐸  
二十一曲中有鳳笙篇

仙人十五愛吹笙學得崑丘彩鳳鳴始聞鍊氣飡金液  
復道朝天赴玉京玉京迢迢幾千里鳳笙去去無窮已

欲嘆離聲發絳唇更嗟別調流纖指

士贊曰內經上界  
玉京註曰玉京無

為天也此時惜別詎堪聞此地相看未忍分重吟真曲和

清吹却奏仙歌響綠雲綠雲紫氣向函關訪道應尋緋

氏山莫學吹笙王子晉一遇浮丘斷不還

士贊曰列仙  
傳王子喬者

周靈王太子晉也好吹笙作鳳鳴遊伊洛間遇道士浮丘公接以上嵩高山四十餘年後於山中見桓良曰告我家七月七日待我於緱氏山至是果乘白鶴駐山頭望之不得到舉手謝時人而去時有童謠曰王子喬好神仙七月七日上賓天白虎搖瑟鳳吹笙乘雲鼓氛吹日精長不歸秋山露冷沾君衣此篇遊仙詩

怨歌行

齊賢曰一作長安見內人出嫁令代為怨歌行士贇曰歌錄曰怨歌行古辭也

僧虔技錄相和歌楚調十曲有怨詩亦曰怨歌行亦曰明月照高樓

十五入漢宮花顏笑春紅君王選玉色侍寢金屏中薦

枕嬌夕月卷衣戀春風寧知趙飛燕奪寵恨無窮沈憂能傷人綠鬢成霜蓬一朝不得意世事徒為空

齊賢曰古辭有



怨歌行班婕妤好擬之士贊曰漢書班婕妤好自鴻嘉後上  
稍淫內寵稀復進見趙飛燕譖婕妤好詛後宮及主上  
遂退處東宮 鵲鵲換美酒舞衣罷雕龍寒苦不忍言為君奏

絲桐腸斷絃亦絕悲心夜忡忡

士贊曰列子鍾期死伯牙絕絃又悲心更微此

詩雖宮怨之體然寄興深遠怨而不誹其得國風之遺意歟

### 塞下曲六首

士贊曰樂府遺聲征戍十五曲中有塞下曲

五月天山雪無花祇有寒笛中聞折柳春色未曾看

士贊

曰崔豹古今注橫吹胡樂也有黃鶴隴頭出關入關出塞入塞折楊柳覃子赤之陽望行人十曲

曉戰

隨金鼓宵眠抱玉鞍願將腰下劍直為斬樓蘭

士贊曰周禮鼓

八掌六鼓四金之音聲以節音樂以和軍旅辨其聲用傳介子斬樓蘭王事見前卷

其二

天兵下北荒胡馬欲南飲橫戈從百戰直為銜恩甚握

雪海上飡拂沙隴頭寢何當破月氏然後方高枕

士贊曰漢

書蘇武使匈奴單于欲降之乃幽武置大窖中絕不飲食天雨雪乃卧齧雪與旃毛并咽之數月不死匈奴以為神廼徙武北海無人處武至海上廩食不至掘野鼠去草實而食之破月氏事見前卷註

其三

駿馬似風飈鳴鞭出渭橋彎弓辭漢月挿羽破天驕陣

解星芒盡營空海霧消功成畫麟閣獨有霍嫖姚

齊賢曰古

今注曰始皇七馬一曰追風九域志渭橋在京兆高陵縣距府東北七十里霍去病為嫖姚校尉服虔音飄搖士贇曰彎弓解漢月者出漢塞而深入敵境也挿羽者箭在腰也

#### 其四

白馬黃金塞雲砂遶夢思那堪愁苦節遠憶邊城兒螢  
飛秋窓滿月度霜閨遲摧殘梧桐葉蕭颯沙棠枝無時

獨不見流淚空自知

齊賢曰古今注曰塞者塞也所以擁塞夷狄也上林賦張揖註沙棠

狀如棠黃華赤實其味如李無核

其五

塞虜乘秋下天兵出漢家將軍分虎竹戰士卧龍沙邊

月隨弓影胡霜拂劒花玉關殊未入少婦莫長嗟

齊賢曰漢

書匈奴至秋馬肥弓勁則入塞龍沙謂龍底之沙後漢班超久在絕域年老思土上疏曰臣不敢望到酒泉郡但願生入玉門關超妹亦上書上感其言召超還士贇曰漢文帝紀與郡守為銅虎符竹使符應劭曰銅虎符第一至第五國家當發兵遣使者至郡合符符合乃聽受之竹使符者以竹箭五枝長五寸鐫刻篆書第一至第五

其六

烽火動沙漠連照甘泉雲漢皇按劍起還召李將軍兵

氣天上合鼓聲隴底聞橫行負勇氣一戰淨妖氛

士贊曰李

將軍傳匈奴入殺遼東太守敗韓將軍於是天子乃召拜廣為右北平太守匈奴聞之號曰漢之飛將軍避之

數歲後漢地理志漢陽郡隴州有大坂名隴底此六詩從軍樂之體也

來日大難

士贊曰來日大難者即古樂府善哉行亦曰日苦短也古辭云來日大難

口燥唇乾言人命不可保當樂見親友求長生術與王喬八公遊

來日一身携糧負薪長鳴食盡苦口焦唇今日醉飽樂

過千春

齊賢曰言始者貧苦今幸歡樂當思遠圖仙人相存以下皆寓言

仙人相存誘

我遠學海凌三山陸總五嶽乘龍天飛目瞻兩角授以

仙藥金丹滿握蟪蛄蒙恩深愧短促思填東海強銜一

木

齊賢曰司馬曰蟪蛄寒蟬一名蜉蝣春生夏死

道重天地軒師廣成蟬翼九

五以求長生下士大笑如蒼蠅聲

士贊曰詩意謂黃帝猶知以道為重師問

廣成視天位猶蟬翼之輕以求長生久視之術而下愚之士乃總浮榮聞道而笑亦可哀矣

塞上曲

士贊曰樂府塞上曲者古征戍十五曲之一也

大漢無中策匈奴犯渭橋五原秋草綠胡馬一何驕

齊賢

曰嚴尤諫王莽曰匈奴為害所從來久矣未聞上世有必征之者後世周秦漢征之然皆未有得上策周得中

策漢得下策秦無策焉唐太宗初即位頡利將十萬騎襲武功太宗與高士廉房元齡馳六騎出元武門幸渭上與可汗隔水語責其負約羣酋見帝皆驚下馬拜翼日刑白馬與頡利盟於便橋上突厥引退九域志鹽州五原郡領五縣命將征西極橫行陰山側燕支落漢家婦原白池二縣

女無華色

齊賢曰前漢匈奴傳侯應曰北邊塞至遼東外有陰山東西千餘里草木茂盛多禽獸本

冒頓依阻其中匈奴名妻閼氏言可愛如脂轉戰渡黃河休兵樂事多蕭條

清萬里瀚海寂無波

齊賢曰瀚北海名士贇曰唐史突厥頡利自武德便橋既盟之後貞

觀中太宗思雪此恥乘其國亂乃命李靖為定襄道行軍總管節度六總管之師十餘萬征突厥靖率勁騎三千趨惡陽嶺襲定襄破之可汗脫身遁磧口走保鉄山靖督兵疾進襲擊之盡獲其衆頡利獨奔沙鉢羅行軍

副總管張寶相擒之其國遂亡於是斥地自陰山北至大漠矣初破定襄帝喜曰靖以騎三千蹀血窮廷取定襄古未有此足澡吾渭北之耻矣此詩是美頌一時勲德借漢為喻也

玉階怨

士贊曰王僧虔技錄相和歌楚調十曲有玉階怨太白此篇無一字言怨而隱

然幽怨之意見於言外晦庵所謂聖於詩者此歟

玉階生白露夜久侵羅襪却下水晶簾玲瓏望秋月

士贊

曰水晶簾以水晶為之如今之琉璃簾也

襄陽曲四首

士贊曰樂府正聲清商曲有襄陽樂宋隋王誕始為襄陽郡元嘉末

仍為雍州夜聞諸女歌謠因為之辭焉太白此詞述史而已



襄陽行樂處歌舞白銅鞮江城回渌水花月使人迷

齊賢

曰九域志襄州襄陽郡治襄陽縣渌水漢水也士贇曰樂府都邑二十四曲有白銅鞮歌亦曰襄陽蹋同鞮

## 其二

山公醉酒時酩酊高陽下頭上白接羅倒着還騎馬

齊賢

曰晉山簡鎮襄陽唯酒是耽諸習氏有佳園池簡出遊多之池上置酒輒醉名之曰高陽池時兒童歌曰山公出何許往至高陽池日暮倒載歸酩酊無所知時時能騎馬倒着白接羅舉鞭問葛疆何如并州兒士贇曰韻釋接羅白帽也

## 其三

峴山臨漢江水綠沙如雪上有墮淚碑青苔久磨滅

齊賢

曰峴山在襄陽南十里晉羊祜樂山水每風景必造峴山言詠終日不倦卒時年五十八南州人征市人聞祜喪莫不號慟罷市其仁德所感如此襄陽百姓於峴山祜平生遊憩之所建碑立廟歲時祭享望其碑者莫不流涕杜預因名為墮淚碑

其四

且醉習家池莫看墮淚碑山公欲上馬笑殺襄陽兒

齊賢

曰晉書習郁家有大池

大堤曲

齊賢曰古今樂錄大堤曲隋王誕為襄州時作張東之大堤曲曰南國多佳人

莫若大堤女士贊曰樂府遺聲都邑三十四曲有大堤曲

漢水臨襄陽花開大堤暖佳期大堤下淚向南雲滿齊賢

曰禹貢嶧冢尊漾東流為漢襄陽在漢水之陰大堤漢水之堤也春風復無情吹我夢

魂散不見眼中人天長音信斷士贊曰樂府常歡林辭曰分手桃林岸遂別峴

山頭若欲寄音信漢水向西流

### 宮中行樂詞八首

奉詔作士贊曰樂府遺聲行樂四十八曲有宮中行樂詞

小小生金屋盈盈在紫微山花插寶髻石竹繡羅衣每出深宮裏常隨步輦歸只愁歌舞散化作綵雲飛齊賢曰三

秦記曰未央宮一名紫微宮李白外傳開元中  
沈香亭牡丹開上乘照夜車太真妃以步輦從

其二

柳色黃金嫩梨花白雪香玉樓巢翡翠金殿鎖鴛鴦選

妓隨雕輦徵歌出洞房宮中誰第一飛燕在昭陽

齊賢曰十

洲記承淵有金臺玉樓漢書孝成  
趙皇后弟絕幸為昭儀居昭陽宮

其三

盧橘為秦樹蒲萄出漢宮煙花宜落日絲管醉春風笛

奏龍吟水簫鳴鳳下空君王多樂事還與萬方同

齊賢曰應

劭曰伊尹書箕山之東有盧橘夏熟大宛以蒲萄為酒  
富人藏酒至萬餘石久者至數十歲不改漢使求蒲萄  
種歸天子種之離宮別館之傍元壽二年單于來朝舍  
之上林苑蒲萄宮士贊曰前漢志絲曰絃竹曰管馬融  
笛賦近世羌笛從羌起龍鳴水中不見已截竹吹之聲相似

#### 其四

玉樹春歸日金宮樂事多後庭朝未入輕輦夜相過笑  
出花間語嬌來竹下歌莫教明月去留着醉嫦娥齊賢曰淮  
南子曰羿請不死之藥於西王母其妻嫦娥竊之奔於  
月士贊曰樂府玉樹後庭花陳後主所作常與宮女學  
士及朝臣相和為詩大樂令  
採其尤輕艷者以為此曲

其五

繡戶香風暖紗牕曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自相親士贊曰唐

禮樂志天授鳥歌武后作也天授年號鳥歌者有鳥能人言萬歲因以制樂昭陽殿名

其六

今日明光裏還須結伴遊春風開紫殿天樂下珠樓豔

舞全知巧嬌歌半欲羞更憐花月夜宮女笑藏鉤齊賢曰三

輔舊事桂宮內有明光殿成帝紀神光降集紫殿謝朓詩紫殿肅陰陰三秦記曰漢鉤弋夫人手拳時人微之

目為藏鈎風土記藏鈎之戲分二曹以較勝負若人偶  
則敵對若奇則使一人為游附或屬上曹或屬下曹為  
飛鳥又曰為此戲必於正  
月風土記在臘祭後也

其七

寒雪梅中盡春風柳上歸宮鶯嬌欲醉簷燕語還飛遲  
日明歌席新花豔舞衣晚來移綵仗行樂泥光輝

其八

水綠南薰殿花紅北闕樓鶯歌聞太液鳳吹繞瀛洲素  
女鳴珠珮天人弄綵毬今朝風日好宜入未央遊

齊賢  
曰蕭

何作未央宮立東闕北闕史武帝作建章宮其北治大池漸臺高二十餘丈名曰太液池中有蓬萊方丈瀛洲象海中神山士贊曰淮南子曰素女黃帝時方術女

清平調詞三首

齊賢曰樂史序太白事曰天寶中白供奉翰林禁中初重木芍

藥得四本紅紫淺紅通白者移植於興慶池東沈香亭會花開上乘照夜車太真妃以步輦從詔選梨園中弟子尤者得樂一十六色李龜年以歌擅一時手捧檀板押衆樂前欲歌之上曰賞名花對妃子焉用舊樂詞還命龜年持金花箋宣賜李白立進清平調三章白承詔宿醒未解因援筆賦之龜年歌之太真妃持玻璃七寶杯酌西涼州蒲萄酒笑領歌辭意甚厚上因調玉笛以倚曲每曲徧將換則遲其聲以媚之太真飲罷斂綉巾重拜上自是顧李翰林尤異於



學士士贊曰唐禮樂志平  
調清調周房中樂遺聲

雲想衣裳花想容春風拂檻露華濃若非羣玉山頭見  
會向瑤臺月下逢

其二

一枝紅豔露凝香雲雨巫山枉斷腸借問漢宮誰得似

可憐飛燕倚新粧

齊賢曰樂史太白遺事曰白既為此詞太真嘗吟之高力士終以脫靴為

深恥曰始以妃子怨李白深入骨髓何獨拳拳如是耶

妃驚曰何翰林學士能辱人如斯力士曰以飛燕指妃

子賤之甚矣妃頗然之上嘗三欲命白官卒為宮中所

捍而止士贊曰傳者謂高力士指摘飛燕之事以激怒

貴妃子謂使力士而知書則雲雨巫山豈不尤甚乎此云枉斷腸者亦譏其曾為壽王妃使壽王而未能忘情是枉斷腸矣詩人比事引興深切著明特讀者以為常事而忽之耳

其三

名花傾國兩相歡長得君王帶笑看解釋春風無限恨

沈香亭北倚闌干

齊賢曰名花指牡丹傾國指妃子沈香亭以沈香為之如栢梁臺以栢香

為之也士贇曰太白詩用意深遠非洞悟三百篇之旨趣者未易窺其藩籬晦庵所謂聖於詩者是也清平樂詞宮中行樂詞其中數首至得國風諷諫之體如玉樓巢翡翠金殿鎖鴛鴦是諷其金殿玉樓不為延賢之地徒使女子小人居之也選妓隨雕輦徵歌出洞房是諷其不好德而好色不聽雅樂而聽鄭聲也宮中誰第一

飛燕在昭陽是以飛燕比貴妃妃與趙飛燕事迹全相  
類蓋欲使明皇以古為鑒知飛燕之為漢禍水而不惑  
溺於貴妃也君王多樂事還與萬方同是諷其與民同  
樂也今朝風日好宜向未央遊是諷其耽遊宴之樂而  
臨政視事於未央也是時明皇有聲色之惑多不視朝  
故因及之也言在於此意在於彼正得譎諫之體太白  
纔得近君當時人所難言者即寓諷諫之意於詩內使  
明皇因詩而有悟其社稷蒼生庶有瘳乎豈曰小補之  
哉

### 鼓吹入朝曲

士贇曰鼓吹入朝曲即漢短簫鏡  
歌三十二曲中之鼓吹曲也太白

命題添入朝字耳或者  
謂諷永王入朝而作

金陵控海浦淶水帶吳京  
鏡歌列騎吹颯沓引公卿  
植

鐘速嚴裝伐鼓啟重城

齊賢曰唐昇州楚共王里故曰金陵古今注短簫鏡歌軍樂也

黃帝使岐伯作以建武陽盛德勸戰士也周禮所謂王

大捷則令凱樂軍大捷則令凱歌者也士贊曰樂府漢

晉有短簫鏡歌二十二曲騎吹者即唐禮樂志所謂北

狄樂皆馬上之聲自後漢以鼓吹為軍中樂馬上奏之

天子憑玉几劍履若雲行日出照萬戶簪裾爛明星朝

罷沐浴間遨遊閭風亭濟濟雙闕下歡樂恩榮

齊賢曰周

禮天子左右玉几魏志功臣則賜劍履上殿閭風山名在崑崙上士贊曰此篇全得國風之體其為諷永王璘

入朝無疑末句歸美朝罷休閒歡娛如此恩榮如此其氣樂亦可見矣

秦女休行

古詩魏朝協律都尉左延年所作今擬之

西門秦氏女秀色如瓊花手揮白楊刀清晝殺讎家羅袖灑赤血英聲凌紫霞直上西山去關吏相邀遮婿為燕國王身被詔獄加犯刑若履虎不畏落爪牙素頸未及斷摧眉伏泥沙金雞忽放赦大辟得寬賒何慙聶政

姊萬古共驚嗟

齊賢曰唐百官志中尚署令掌供赦日樹金雞於仗南竿長七尺有雞高四尺

黃金飾首銜絳幡長七尺承以綵盤維以絳繩將作監供馬擊柝鼓千聲集百官父老囚徒坊小兒得雞首者官與錢購或取絳幡而已書呂刑大辟之罰其屬二百史聶政為嚴仲子報仇刺殺韓相俠累因自皮面決眼自屠出腸遂死韓取聶政尸暴於市購問莫知誰聶政姊榮聞如韓市伏尸哭極哀曰是軹深井里所謂聶政

者也。以妾尚在之故，重自刑以絕從妾。其奈何？畏沒身之誅，終滅賢弟之名。大驚韓市人，乃大呼天者三，卒於邑悲哀而死政之旁。晉楚齊衛聞之，皆曰：「非獨政能也，乃其姊亦烈女也。」士贊曰：「此言勇於報仇，冒犯刑憲，如履虎尾而不畏落虎之爪牙也。」隋禮儀志：齊赦日，則武庫令設金雞及鼓於閭門外之右。集因於闕前，撾鼓千聲，釋馬焉。

秦女卷衣

齊賢曰：樂府解題有秦女卷衣言卷衣以贈所歡。莫筠歌曰：咸陽春草芳。

秦女卷衣裳，士贊曰：樂府遺聲佳麗四十七曲有秦女卷衣。

天子居未央，妾侍卷衣裳。顧無紫宮寵，敢拂黃金牀。水至亦不去，熊來尚可當。微身奉日月，飄若螢之光。願君

采葑非無以下體妨

齊賢曰漢書元帝行幸虎園闢獸後宮皆從熊逸出園攀檻欲上殿

左右皆驚走馮婕妤好直前當熊而立左右格殺熊上問何故當熊對曰猛獸得人而止妾恐熊至御座故以妾當之詩采葑采菲無以下體葑蔓菁菲土瓜此二菜者皆上下可食然其根有美時有惡時采之者不可以根惡時并棄其葉士贇曰劉向列女傳曰楚昭王夫人齊女也昭王出遊留夫人漸臺上江水大至遣使者迎夫人忘持符夫人曰王與宮人約召必以符今使者不持符妾不敢行於是使返取符未還臺已壞沈水而死此亦比興之作焉觀其末章亦微而顯矣

東武吟

一作出東門後書懷留別翰林諸公士贇曰東武吟即樂府正聲東門行也

晉樂奏古辭云出東門不顧歸言士有貧不安其居拔劍去妻子牽衣留之願共餽糜斯足不

求富貴也太白詩則自述其志也又王僧虔技  
錄相和歌楚調十曲有東武吟亦曰東武琵琶

吟行

好古笑流俗素聞賢達風方希佐明主長揖辭成功白

日在高天迴光燭微躬

齊賢曰尚書序好古博雅君子漢書鄴生長揖不拜

恭承

鳳凰詔歛起雲蘿中清切紫霄迥優游丹禁通

齊賢曰事始曰

石季龍置戲馬觀上安詔書用五色紙街於木鳳口而頒行禁中門戶有禁非侍御不得入

君王賜

顏色聲價凌烟虹乘輿擁翠蓋扈從金城東寶馬麗絕景

錦衣入新豐

齊賢曰明皇嘗賜太白錦袍士贊曰與服志乘與大駕公卿奉引太僕御人將軍參



乘屬車八十一乘千  
乘萬騎名曰鹵簿  
依巖望松雪對酒鳴絲桐因學揚

子雲獻賦甘泉宮天書美片善清芬播無窮

齊賢曰漢成帝時楊

雄從上幸甘泉還  
奏甘泉賦以風

一朝去金馬飄落成飛蓬賓客日踈

散玉樽亦已空

士贇曰待詔金馬門詳見一卷史孟嘗君廢諸客皆去馮驩曰富貴多士貧賤

寡友事之固然也今君失位而賓客皆去事之固然也漢書孔融喜後進賓客日盈其門常歎曰坐上客常滿樽中酒不空吾無憂矣此反其意而用之才力猶可倚不慙世上雄間作東

武吟曲盡情未終書此謝知己吾尋黃綺翁

齊賢曰東武太山皆

齊之士風絃歌謳吟之曲名也士贇曰此詩乃太白放黜之後作此以別知己者抱材於世始遇而卒不合見

知而不見用卒章曰聞作東武吟曲盡情未終書此謝  
知已吾尋黃綺翁惓戀不忘之意悠然見於辭外亦可  
慨嘆也已

邯鄲才人嫁為廝養卒婦

士贇曰樂府遺聲佳麗四十八曲有邯鄲

才人嫁為廝養卒婦蓋古有是事也

妾本崇臺女揚蛾入丹闕自倚顏如花寧知有雕斲

齊賢

曰杜預註左氏歌盡也士贇曰崇臺在邯鄲蓋本六國時趙武靈王故臺也

一辭玉階下去

若朝雲沒每憶邯鄲城深宮夢秋月君王不可見惆悵

至明發

齊賢曰邯鄲縣在磁州東北七十里士贇曰此詩太白既點之作也特借此發興叙其睽遇之

始末耳然其辭意賸顧宗國  
係心君王亦得騷之遺意歟

出自薊北門行

士贇曰樂府遺聲都邑三十四曲有出自薊北門行太白此詞

則必為開元天寶之際命將征  
伐吐谷渾奚怒吐蕃而作也

虜陣橫北荒胡星耀精芒羽書速驚電烽火晝連光虎

竹救邊急戎車森已行

齊賢曰羽書羽檄也漢高祖曰吾以羽檄徵天下兵明主

不安席按劍心飛揚推轂出猛將連旗登戰場兵威衝

絕幕殺氣凌穹蒼

齊賢曰古遣將出征伐人君親推其轂曰闡以外將軍制之沙土曰幕直

絕波曰列卒赤山下開營紫塞傍孟冬風沙緊旌旗颯彫

傷盡角悲海月征衣卷天霜

士贇曰唐地理志開元二年復置松漠都督府領州

八以伏部分置赤山州

紫塞事並見四卷註 揮刃斬樓蘭彎弓射賢王單于

一平蕩種落自奔亡收功報天子行歌歸咸陽

士贇曰匈奴官

號置左右賢王匈奴謂賢曰屠者故常以太子為左屠者王傅介子斬樓蘭王事見前種落者謂宗種部落也此詩天寶已前之作也有頌之體焉

洛陽陌

士贇曰樂府遺聲都邑三十四曲有洛陽陌

白玉誰家郎回車渡天津看花東陌上驚動洛陽人

士贇

曰天津橋名風俗通南北曰阡東西曰陌

北上行

士贇曰樂府征行曲太白此詞則言從軍征役之苦

北上何所苦北上緣太行磴道盤且峻巉巖凌穹蒼馬

足蹶側石車輪摧高崗

齊賢曰九域志太行山在懷州魏武苦寒行曰北上太行山艱

哉何危危羊腸坂詰屈車輪為之推士贇曰磴道閣道也

沙塵接幽州烽火連朔方

殺氣毒劒戟嚴風裂衣裳奔鯨夾黃河鑿齒屯洛陽

齊賢

曰此詩乃祿山初反時作也鑿齒指祿山奔鯨指史思明崔乾祐之徒淮南子註曰堯時窳窳封豕鑿齒皆為人害窳窳類虎爪食人服虔前行無歸日返顧思舊

曰鑿齒長五尺似鑿亦食人

鄉慘慼冰雪裏悲號絕中腸尺布不掩體皮膚劇枯皴

汲水澗谷阻採薪隴坂長猛虎又掉尾磨牙皓秋霜草  
木不可食飢飲零露漿歎此北上苦停驂為之傷何日

王道平開顏覩天光

士贇曰按北上行者征行之曲言  
行役者之苦也太白此詩其作於

至德之後乎隱然有國風愛君憂國勞  
而不怨厭亂思治之意讀者其毋忽諸

短歌行

士贇曰樂府詩古皆有此詞言人壽不  
可得長思與知友及時為樂並自戒勗

之意太白此詞雖擬之然其辭意  
則出於騷肆為誕辭以寄興而已

白日何短短百年苦易滿蒼穹浩茫茫萬劫太極長麻  
姑垂兩鬢一半已成霜天公見玉女大笑億千場吾欲

攬六龍迴車掛扶桑北斗酌美酒勸龍各一觴富貴非

所願與人駐顏光

齊賢曰劫世也儒謂之世道謂之塵佛謂之劫神異傳曰東王公與玉女

投壺設有不接天為之笑開口流光今電是也士贇曰康伯曰太極者無朕之稱不可得而名也

空城雀

士贇曰樂府內鳥獸二十一曲有空城雀却不言所始太白此詞則假雀以興

孤介之士安於命義幸得祿仕以自養苟避讒妬之患足矣不肯依附權勢踰分貪求也

嗷嗷空城雀身計何戚促本與鷓鴣羣不隨鳳凰族

齊賢

曰鷓鴣微小黃雀也關東謂之土雀又云女工又云巧婦又云女匠張茂先鷓鴣賦曰巢林不過一枝每食不

過數提携四黃口飲乳未嘗足

士贇曰劉向說苑孔子見羅者其所得者皆黃

口也孔子曰黃口盡得大爵獨不得何也羅者對曰黃口從大爵者不可得大爵從黃口者可得孔子顧謂弟子曰君子慎所從不得其人則有羅網之患

**食君糠粃餘常恐烏鳶逐**

士贇曰劉

向新序鄒穆公有令食鳧鴈必以粃無得以粟於是倉無粃而求易於民二石粟而得一石粃吏以為費請以粟食之穆公曰去非汝所知也夫百姓飽牛而耕暴背而耘豈為烏獸哉粟米人之上食奈何其以養烏夫取倉之粟而移之於民此非吾之粟乎烏苟食鄒心涉太之粃不害食之粟也粟之在倉與民於我何擇耳

**行險羞營覆車粟**

齊賢曰益部耆舊傳曰楊宣為河內太守行縣有雀雀鳴桑樹上宣謂吏

曰前有**天命有定端守分絕所欲**

齊賢曰孟子曰莫之為而為者天也莫之

致而至者命也



菩薩蠻

士贊曰按此二詞至今其調猶存其所自始乎

平林漠漠煙如織，寒山一帶傷心碧。  
暝色入高樓，有人樓上愁。  
玉階空佇立，宿鳥歸飛急。  
何處是歸程，長亭連短亭。

憶秦娥

簫聲咽，秦娥夢斷秦樓月。  
秦樓月，年年柳色，灞陵傷別。  
樂游原上清秋節，咸陽古道音塵絕。  
音塵絕，西風殘照，

漢家陵闕

士贊曰西京雜記漢有樂游苑

李太白集分類補註卷五